



Arubaanse Courant

Den cual a ser inclui "La Prensa"

Anja 26.

DIARAZON 24 FEBRUARI 1965

No. 5267.

CALOROSAMENTE ARUBA A RICIBI S.A.R. PRINCESA BEATRIX

ORANJESTAD, 24 febr.- Un cuarto di ora mas laat cu e programa a anuncia, princesa Beatrix banda di un cuarto pa nueve ayera mainta a pone pia ariba suela di Aruba pa cuminsa su bishita oficial di dos dia na nos isla. Cientos di persona a dirigi nan mes pa aeropuerto caminda nan a duna Su Alteza Real un bienvenida caloroso. E camindanan for di aeropuerto pa hotel tabata marca pa filanan di hende kendenan tur tabata busca un bista di e princesa heredero di trono Hulandes un bienvenida cu seguramente e princesa lo no lubida.

Un cuarto pa nueve e avion "Bonaire" cu commandante di avion W.L. Becker, cu piloto, F. v/d Woude y tecnico abordo H.J. Vielvoye, Purser M. Abraham y stewardess M. Sprock y Su Alteza Real y acompañantenan a para dilanti di e stacion di aeropuerto di Aruba. E promer persona cu a saluda e princesa tabata gezaghebber Henriquez di Aruba, completo den uniforme. Esaki despues di cu e himno Hulandes a caba di worde toca pa e brassband di YMCA.

FATUM
Pa tur bo asegurado
Tel. 1845.

Despues di e saludo di e gezaghebber di Aruba na e avion, princesa Beatrix a dirigi su mes na e fila di padvindstersnan di e gruponan, Filomena, Jeanne d'Arc, Tarabana, Beatrix, y St. Theresia bao di direccion di senyor J. Hulbers, comisaria di distrito di e padvindernan. Promer cu drenta e fila dobel di e padvindsternan, su Alteza Real a worde contra pa e damita Greta Falconi, kende bistir tur na blanco a entrega su Alteza un bunita bouquet di flor. Greta Falconi, un bleenchi di AMG Tanki Leendert, instrui pa e lider maximo di AMG na Aruba, srta. Joan Peterson a haci un bunita entrega di e anjernancora blanco. Siguiendo door di e fila di pad-

vindsternan, e princesa drentando di e hal di aeropuerto a sera conoci cu e comision di recepcion consistiendo di gezaghebber interino I.S. de Cuba, deputadonan G.A. Oduber, Alberto Falconi, y D.C. Mathew, alavez secretario interino di territorio insular, senyor A.J. Booi Jr, majoor A. Graaf di mariniers y senyor S.N. Ecuri, e miembro di mas bieuw di cuerpo consular completo cu su decoracionan. For di aki e princesa a sigui door di e hal tur dorna na bandera pa e auto creme na unda el a tuma lugar huntu cu gezaghebber den e auto. Aki tambe tabatin un multitud di hende pa aplaudir e Princesa.

Den un fila di auto dilanti y pa tras encera pa cuerpo policial, entre cualnan comisario mayor di Antillas, Van der Steur y comisario di polis na Aruba J. Schouwe, e autonon cu princesa Beatrix, huntu cu gezaghebber Henriquez, y majoor H.J. Holthuis, adjudante di prins Bernhard a dirigi nan mes pa Aruba Caribbean Hotel. Tambe e comision di recepcion a tuma lugar den e fila. Entre cualnan premier E. Jonckheer di Antillas, kende a acompaña e princesa ariba su biaha pa Aruba for di Corsow, Gobernador N. Debot no por a bin Aruba, debi cu na ultimo momento, ya ora cu e tabata den e avion pa sali pa Aruba, el a worde yama for di hospital St. Elisabeth en coneccion cu e enfermedad di su esposa. Esaki ta e motibo tambe pakiko e avion di princesa Beatrix a yega un cuarto di ora mas laat cu tabata menciona ariba e programa.

For di aeropuerto e filadi autonon a pasa over di e pista di aterizaje via Lloyd G. Smith Boulevard pa hotel. Na Aruba Caribbean Hotel e princesa a worde encontra pa general manager Henry Steeber y su esposa, tambe pa comisario di polis J. Schouwe. Despues di a firma e buki di huespednan, princesa Beatrix a dirigi su mes pa di cuatro piso, cual a worde reserva completamente pa e princesa y den cual el a escohe suite 419 cual ta duna un bunita bista over di e



Diamars mainta, esta ayera banda di un cuarto pa nueve Su Alteza Real Princesa Beatrix a yega pa su Bishita di dos dia na nos isla. Na su yegada e tabata acompaña pa entre otro Premier E. Jonckheer di Antillas. Ariba e foto aki nos ta mira e momento cu e Princesa a caba di baha for di e avion y Wilhelmus ta toca. Completamente na robez ta Princesa Beatrix, su tras su hofdame Baronesse Sweerts de Landas Wijborgh-de Meyler, na su man robez, premier Jonckheer, tras di dje, su senjora y di dos di drechi secretaria di e Princesa, srta. M.C. Wijnen y di promer di drechi Adjutant di Prins Bernhard, Majoor H.J. Holthuis.

tereno di hotel y Palm Beach di Aruba. Mucho tempo pa sosega su Alteza Real no tabatin pues mei ora despues e Princesa mester a dirigi su mes pa e Bestuurskantoor pa presencia e aubade di e muchanan di school.

For di e balcon di e kamber di gezaghebber Henriquez e princesa acompaña pa minister E. Jonckheer y gezaghebber di Aruba, e princesa a presencia y tuma e aubade di e muchanan.

Despues di e cantamento e princesa a gradici e muchanan pa e bunita canticnan y a duna nan un dia extra liber. Esaki naturalmente a worde aplaudi pa e muchanan cu a pinta e tereno dilanti Bestuurskantoor cu nan banderanan.

Mas o menos un dos mil cinco cien mucha a haci nan mihor esfuerzo pa presenta e canticanan bao direccion di senyor A. Dercksen acompaña na piano pa senyor Rufo Odor. Senyor Goos Kamphuis di Radio Nederland Wereldomroep indudable-

mente e mainta aki a traha un bunita tape cu e voz di e miles di muchanan pa manda Hulanda.

Barcadera

Rapidamente despues di e aubade e fila di autonon a acompaña princesa Beatrix pa Barcadera, caminda un bishita cortico a worde haci na e fabrican di Fertilizer. Na porta di e oficina mayor di e empresa hermana di Standard Oil algun personanan importante di e empresa a worde introduci na su Alteza Real; esta presidente di Aruba Chemical Industries senyor C. H. Duncan, general manager T.J. Dimmock y hefe di relacionnan industrial drs. W. van Poelje. Na e entrada senyor Duncan a dirigi algun palabra di bienvenida na e Princesa, mientras cu el a entrega un regalo na su Alteza Real. Esaki tabata consisti di un bunita foto di prins Bernhard, tuma dia diez di december 1963 na apertura oficial di e fabrica. E Princesa a keda sorprendi cu e bunita gesto aki.

Despues di un tour over di e

(SIGUI LESA PAG. 3.)




**Drecha bo
cara netchi
cu**

un mascara

MAHOS

Tambe: Cintas y
otro cos di dorna

La Comodidad



Awe mainta princesa Beatrix a sali cu avion di ALM pa Aruba, riba e foto nos por weta princesa Beatrix acompaña pa gobernador di gezaghebber ora e tabata bai subi avion.



Aki nos por weta Princes Beatrix huntu cu promer minister Jonckheer na un bishita na D.O.W.



Aki nos por weta e yate di gobierno "Beatrix" den cual princesa a hasi un recorido den St. Annabaai.



Aki riba nos por weta Prinses Beatrix y su acompañantenan ayera tardi ora e tabata cana den Punda pa bai hasi compras.



Un bista riba e bishita di Prinses Beatrix na Rust & Brugh.



Un bista di e bishita di Prinses Beatrix na Rust & Burgh.

CENTRAL CARNAVAL COMITE DI ARUBA

TA PRESENTA:

Diarazon 24 di Februari 7.30 p.m.: Eleccion y coronacion di REINA JUVENIL di Aruba na Wilhelmina Stadion.
Show y Steelband-sorpresas. Entrada Fls. 1.--

Diahuebs 25 di Februari: Eleccion y coronacion di Reina di Carnaval di Aruba den Wilhelmina Stadion.
Coronacion door di Gezaghebber O.S. Henriquez. Show y Steelband-Sorpresa. Entrada f. 2.--

Diabierna 26 di Februari: di 7 - 12' or p.m. Parada di Mascarada bjeeuw door di San Nicolas.
Steelband. Tur hende bonbini pa jump-up.



**Tur cos pa
Carnaval**

Manera

* MASCARAS * TELA
* CINTAS * ADORNOS
* Y HOPI MAS

La Linda

**CALOROSAMENTE ARUBA
A RICIBI PRINCESA
BEATRIX**

(CONTINUACION DI PAG. 1.)

tereno cu e autonon, e biaha a sigui pa fabrica di awa y energia, caminda tambe un grupo di empleadonan y famia hunto cu directiva a saluda e princesa. E commission di recepcion akinan tabata consisti di diputado G.A. Oduber, hefe di servicio ir. J. Ph. Beck, ingeniero di empresa G.A. Pieper y hefe di administracion di empresa H.E. Pereira. Durante di cu gezaghebber Henriquez y diputado Oduber tabata duna explicacion un bishita na pia door di e empresa a tuma lugar. E Princesa a admira e instalacion di awa di serca hasta el a tuma poco kalki door di cual e awa ta worde filtra pa a mira esaki intensivamente.

Tambe e instalacion cu ta saka e awa for di lamar tabatin su atencion especialmente ora cu el a worde informa cuanto awa ta worde chupa pa diapa worde distila y usa como awa pa fria e machinan.

Banda di diezun or e Princesa y acompañantenan a laga fabrica y a dirigi su mes pa Aruba Caribbean Hotel caminda el a sosega un rato promer cu el a bai Cactus Inn pa tuma lunch ofreci door di Bestuurscollege di Aruba.

Na entrada di Cactus Inn Hotel e Princesa a worde aplaudi door di e manager di hotel senyor Eduardo Ellis. E interior di e sala di come, esta Salun Madrid cu su bunita fontein tabata dorna cu rozanan cora y anjerman blanco. E menu cu a worde sirbi tabata Petit Marmite Veritable, Fond d'Artichaut Royal, Pulet Bosco Maringo, Tomate Farci, Pommes Carree, Suffle Glacee au Grand Marinier, Demi Tasse.

Gira riba Isla

Ayera tardi cuat'or e Princesa a sali for di hotel cu su acom-

PRES. COCO FLEMING: "SATISFECHO DI E SELECCION ANTIYANO"

Ayera tardi a yega Aruba e seleccion di baseball cu a representa Antiyas den e decimosexto campeonato mundial di baseball amateur teni na Colombia. Na aeropuerto nos a combersa cu diferente di e personanan cu a forma e delegacion Antiyano. President di ABBA y tambe president di Nabafe Coco Flemming a declara na nos di ta satisfecho cu loke e equipo a presenta. Lastima e ta hanja cu e muchanan no a logra gana mas wega, pero e ta considera mes importante cu e muchanan a haci un gran papel lagando un bon impresion.

Prueba di e bon impresion, president Flemming ta mira confirmacion den e hecho cu e seleccion Antiyano a ricibi invitacion pa bai participa na e torneo La Paz John F. Kennedy na Maracay Venezuela, pa unda por cierto awe mainta e seleccion ta sali. Manager Alejandro Hernandez tambe a keda satisfecho pa e bataya cu e muchanan a duna. "Mi ta contento con e muchanan a bataya. Nan a demostra di tin hopi espiritu di pelea loke naturalmente ta esencial pa competencia fuerte manera e campeonato tabata. Como factor cu a

panjantenan pa Centro Juvenil Tanki Leendert caminda e Princesa a worde ricibi palidernan di Juventud di e parokia aki. Na entrada di e centro tabatin un fila di honor di mucha muherman di AMG bao gia di lider Agatha Erasmus, mientras cu na e entrada di e edificio Little Miss Tanki Leendert, Emeli Oduber a entrega un bouquet di flor na e Princesa. Gezaghebber Henriquez a presenta senjorita Agatha Erasmus y tambe senyor Seferiano Luidens un di e dirigentenan di e centro na e Princesa. Despues di esaki e princesa a pasa door di e centro caminda tabatin tambe un grupo di persona for di e comunidad pa saluda e Princesa.

For di Tanki Leendert e fila di autonon cu e Princesa a sigui pa teatro na aere liber, Ser'i Noka na Santa Cruz caminda cientos y cientos di hende a bin saluda e Princesa y caminda el a ricibi su di dos aubade. Aki e Princesa a keda basta rato combersando y admirando e lugar y e splicacionan tocante e teatro. Cu masha hopi interes el a admira e lugar.

For di aki el a bai Aruba Caribbean Hotel caminda el a tuma poco sosiego y prepare pa e barbecue ofreci na ne den e barbecue pit di e hotel. Aki varios artistanan local a actua pa e Princesa.

Awe tin ariba e programa un gira over di e isla y alavez, un bishita na Lago.

contribui na menos triunfo tabata cu e muchanan no ta prepara fisicamente pa un programa asina ocupa manera e campeonato a resulta di ta cu algun dia mas di sosiego, mi ta sigur cu e resultado nan lo tabata hopi diferente Hernandez a continua.

Segun su opinion ademas e con-hunto Antiyano a sabi di tene tur wega sea cu un ventaha of cu empate den e promer cinco inningnan pero luego especialmente na final di e campeonato ya e hungadornan no por a rinde mas manera antes.

Como ehempel Hernandez ta cita e ultimo wega contra Puerto Rico den cual Antiyas tabata ganando uno cero te den e sexto inning pitcher Rey Rasmijn tabata dominando e boricuanan, pero a presenta un derrumbe den e team y finalmente e wega a caba 15-1 den favor di Puerto Rico.

Coach Buchi Rasmijn ta di opinion cu e seleccion Antiyano a haci masha bon trabao y a laga bon impresion atras cu e team tabata ser respecta Rasmijn ta considera proba ora cu tuma nota cu e equiponan contrario a sabi cada biaha di pone nan lanzador estelar contra di Antiyas. Tanto Mejico, Colombia, Sto. Domingo como Puerto Rico apomen nan mihor pitche contra di e Antiyanonan.

Tenchi Hoftijzer, un veterano di varios campeonato mundial amateur y di weganen Panamericano, tambe a duna nos su impresionnan di e seleccion. E ta di acuerdo cu e otro opinionnan cu e seleccion fisicamente no tabata prepara pa e programa di pelotero profesional cu nan mester a cumpli cune na Colombia. Segun Tenchi, kende debi na cu recientemente el a cuminsa ta den accion atrobe despues di convalece cu un pia kibra, e weganen continuo dia tras dia y viahando den bus di un ciudad pa otro hunto cu e calor peor cu di Aruba a afecta e hungadornan visiblemente.

Nos a combersa tambe cu Felix Delgado, un Portorikenjo kende hunto cu e seleccion Boricua a viaha tambe pa Aruba, Scout di e organizacion di Bos-

ton Red Sox.

El a presencia diferente partido di e Antiyanonan y na su opinion e team ta bayendo den bon caminda. E ta considera un progreso enorme den e baseball Antiyano y ta kere cu si e team sigui siendo prepara manera ultimamente anto den e proximo eventonan nan lo haci mihor papel. E ta opina sin embargo cu e Antiyanonan a percura pa diferente sorpresa.

Cuatro di e 18 hungadornan Arubano cu a bai Colombia, esta Tenchi Hoftijzer, Jossyto Muya-le, Herbert Maxwell y Yonko Alberts lo no viaha awe pa Venezuela. Resto di e hungadornan di Aruba si lo bai hunto cu nueve di Corsow, cualnan te na momento di redacta no tabata conoci ainda ta cualnan lo bai.

Na Maracay Venezuela e An-

tiyanonan lo tuma parti na un torneo hunto cu equiponan di Merca, Panama, Puerto Rico, Sto. Domingo y Venezuela mes.

E campeonato mundial na Colombia a termina cu Mexico y Colombia empata den promer lugar.

Majan diahuebs lo cuminsa e playoff di tres wega entre e dos paisnan aki, cual playoff indudablemente lo atrae un publico enorme.

Financieramente e campeonato tabata un exito completo.

Ariba nos pregunta cu si e por menciona number di un hungador Antiyano cu a destaca hopi manager Hernandez a declara cu esaki ta Sam Jacobs, kende cu su formidable pitcheo a duna Antiyas su dos triunfonan mientras cu bateando tambe el a contribui na e causa Antiyano.

SALUTACION

**Á su Alteza Real la princesa
Beatrix**

I

Para cumplimentar hoy a Su Alteza,
Huesped de las Antillas,
Que del Trópico surjan maravillas
Con sus flores de exótica belleza
Cuando el sol acaricie sus mejillas!....

II

Cumplan también el mar y el vasto cielo,
Glorias del Occidente,
Un ensueño entre ambos coincidente:
Cubrir de perlas y astros todo el suelo
Cuando pase Beatrix....., como presente.

III

Mas yo adelanto un voto por Su Alteza;
Lo estimo superior
A estrellas, perla y flor:
Que al ceñir real corona su cabeza
Perdure en su reinado
Justicia, paz y amor!

-José Ramón Vicioso.

S.N., Aruba,
febrero, 1965.

Avisa den

Ta Busca Ta Huur

Participacion A Hanja

Oportunidad Solicitantes

X'ITOS y bo aviso lo tin exito

A W O R
for di Dinamarca
TELA PA FURO
Na colornan effen y
exclusivo.
100% VIRGENVOL,
Di e famoso marca
UNIKA WAVE.
ACKERMAN N.V.
Otrabanda.

**Claudia's
Flowershop**
Colon Winkelcentrum
Tin FRUTA ARTIFICIAL
Tel: 2 3 6 8 5

Falta Algun Dia Mas
cu Bopor Probecha Di
**PEDALPUSHER
PA DAMAS
DI F. 4.-
AWOR PA F. 2.-
CASA SEIBALD**
Heerenstraat 19.

VERFNAN
SHERWIN
WILLIAMS
Obtenible na:
C.T.C.
Otrabanda
y
Scharloo
Tel. 11929
23387.



**Used Car
SAVINGS**
**PRIJSNAN REBAHA
OFERTA ESPECIAL**
MG SPORT 1962
F. 2.000
TAUNUS 17M - 1960
F. 1.750.-
ZEPHYR 1954
F. 800
R.E. YRAUSQUIN & SONS
Schottegatweg O, 217 - tel. 36331

**TIRE
Firestone**
Ta dura MAS

DAVID CAPRILES & Co.
ORANJESTAD 24 SALINA 184 TEL.
TEL. 12040 12100 TEL. 12718 12970

Reserva Bo
PASASHI
Pa Bonaire y Aruba
via telefoon. 1 3 6 6 3
**TRAVELBUREAU
BONAIRE TRADING CO
CURACAO N.V.**
Helfrichplein. 5

KOOYMAN N.V.
Dominguito - Santa Maria
Sta Rosa.
Si bo pensa di drecha
bo TRANQUER, bin pa-
pia prome cu
KOOYMAN N.V.
Nos tin un gran surtido di WIRE
pa bo koraal of hardin.
Prijs barata y servicio rápido.



Si bo tin un
Oloshi ORIS
Bo ta cu
Tempu moderno
E. KYWI
THE GOLDEN WATCH
Breedestraat 11 (O) Telefon 23525


PARA SUS ENSALADAS, GUISADOS Y ESTOFADOS

el fino Aceite de Oliva

MINERVA

Hay muchos aceites de oliva, pero uno solo con menos
de medio por ciento de acidez.

Distribuidores para las Antillas : **A.D. Jonckheer n.v.**



Reunion semanal di Rotary Club di Corsow na anja 1943 na Hotel Americano, caminda nos por mira hopi cara conoci y varios di e miembros fundadornan di e club di Corsow.

Rotary International 1905-1965

Awe Rotary Internacional ta cumpli sesenta anja di feliz existencia Rond mundu den mas di 127 pais den mas di 11800 clubs y mas di 560.000 miembros awe ta celebra aniversario di fundacion di e organizacion mundial aki cu dia 23 di februari di 1905 a wordu funda pa un joven abogado Paul Harris cu a invita 3 amigu pa reuni y forma un club pa sirbi e comunidad di Chicago. Comoquiera cu e reunion tabata tuma lugar cada bez na kanto of cas di un di e miembronan es decir na tabata "rota" e lugar caminda nan tabata topa e number di Rotary a wordu scohe y comoquiera cu e club tin como obhetivo principal "Servicio riba bo mes" tabata necesario for di principio pa selecta e miembro di tur ramo di negoshi y profesion. Esaki a duna e club un sorto

di "cross-section" di e comunidad principalmente pa tin principalmente e inspiracion di e necesidades di e comunidad na mente y no ser unicamente un club di comerciante so of di abogado etc. cu ideanan exclusiva-mente di nan sector so.

For di principio tabata evidente qu pa logra esaki e candidato pa ser miembro mester ta e persona cu den su ramo a proba su mes un lider afín di cu e club por alcanza e metanan cu e la scohe pa su mes. Aparte di e consenshi pa sirbi comunidad naturalmente tabata tin presente tambe e pensamiento pa ofrece na e caballeros oportunidad di conose otro mihor y asina fomenta tambe na mes un tempoe un concepto alta di etica profesional y den comercio.

E gran crecimiento cu ni su fundador por a pensa especialmente tabata den sector internacional. Esey a trece e di cuater avenida di rotary lo que ta entendimiento internacional. Den tur pais e grupo rotario a hunga un rol importante den desarrollo di nan comunidad. Aunque Rotary no ta un institucion caritativa manera e otro organizacion cu ta specializa den e ramosnan ey, sin embargo Rotary ta anima su miembro pa tuma parti den nan directiva pa asina alcanza e obhetivo dunando cooperacion fisica y mental y si ta posibel

tambe financiera.

Na Corsow Rotary ta existi for di anja 1937 ora cu 29 miembros a reuni y for di e tempoe ey semanalmente tabata reuni na Hotel Americana y despues di inauguracion di Hotel Corsow na e establecimiento aki.

E club local cu tin 80 miembro actualmente tambe a haci hopi contribucion y ideanan manera Curacao Museum, Sociedad di Vellig Verkeer, e promer HBS (awe Peter Stuyvesant College) enfin, tur esakinan a sali for di seno di e club local.

Pa comunidad, algo efectivo ta e cine truck cu especialmente den tur seccion di nos isla a hiba cine pa tur e poblacion.

Pa celebra e 60 aniversario e club di Corsow a organiza un programa masha sencillo es decir di duna charlas radial na tur e radiostacion di Corsow na idioma hulandes, ingles, y logicamente tambe na papiamentu.

Un programa di Television y diarason atardi presentacion di un plaquette di e emblema di Rotary den e edificio di llegada di nos aeropuerto pa saluda na tur visitantenan Rotarios of no indicando na e viajero cu den e concierto di 127 pais, nos isla tambe ta tuma un parti activo y especialmente cu nos bisnija di Venezuela na cual distrito e club local ta pertenece.

BISHITA DI PRINSES

continuacion di pag 1

nan di eilandsraad di Corsow a ser presentá na e visitante real.

Den compania di su comitiva prinses Beatrix a cana door di proeftuin, admirando e matanan tropico y animalnan straño.

E gira di atardi a termina cu un bishita na Societé Hippique na Jongbloed caminda tabatin demostracion di corremetu di cabal.

E programa a culmina cu un grandioso recepcion di gala den Fort Amsterdam qu pa e ocasion especial aki tabatin bouquetnan gigantesco y fantastico na muraya, mientras qu e iluminacion a duna e plenchunambiente particular.

Mitar di nuebe en punto, e portanan di forto a serra y prinses Beatrix, acompaña pa Gobernador Mr. N. Debot, promer minister E. Jonckheer, señora B. Jonckheer-Heyer y comitiva di e prinses.

Na momento qu Prinses Beatrix a baha for di trappi di palacio di gobernador, e banda di polis bistu tur na blancu pa e ocasion di gala, a entoná Wilhelmus, Na

e momento ei ya prinses Beatrix tabata na pia di e trappi y respetuosamente a para scucha e himno nacional. Casi inmediatamente despues di Wilhelmus, e banda policial a entona himno nacional antillano.

A continuacion prinses Beatrix a cana pasa rond di e plench, denter di un demarcacion especial, siendo aplaudifreneticamente durante su pasada.

Un gran numero di autoridadnan civil, militar y esclesiastica a colma Fort Amsterdam ayaer nochi, pa asisti na e recepcion di gala qu a haña su culminacion den presentacion di un grupo di bailenan folklorico, na final di cual prinses Beatrix a retira pa bai descansar, despues dia saluda e publico presenta den forma di despedida riba bordes dilanti di porta di palacio di gobernador.

Asina tambe a yega final di e ultimo dia qu prinses Beatrix a permanece riba nos isla, comoquiera qu awe mainta och'or ela sali cu avion di ALM pa Aruba caminda lo e keda te diahuebs mainta, ora qu lo e sali pa Bonaire.

JOHNSON LO BISHITA EUROPA NA JUNI VENIDERO

Londres -- UPI -- Nan ta spera qu e presidente di Estados Unidos Lyndon B. Johnson lo bishita Europa durante luna di juni, segun diplomaticonan qu a revelá esaki den e capital aki.

Johnson lo viaha pa Londres, Paris, Bonn y Roma segun e informenan.

Entre e proposicionan di e gira proyectá Johnson lo conferencia cu e presidente di Francia, Charles de Gaulle pa un estudio drástico di e causanan di e relacionnan swak qu tin entre Washington y Paris, y tambe un examen di e futuro di e tambaleante Alianza Occidental di Defensa segun e mesun informenan.

Ademas, Spanja ta spera qu e prome ministro ingles Harold Wilson lo discuti na Londres cu Johnson y nan lo trata e cuestion-

nan anglo-norteamericano, e relacionnan entre Oriente y Occidental y e explosiva situacion di Lejano Oriente.

Tal informenan ta sugerir, di otro banda, qu cada biaha tin mas dudanan riba e posibilidad di un bishita di Johnson pa Moscu den un futuro cercano, teniendo en cuenta e reciente friccion sovietico-norteamericano pa motibu di e acontecimentonan di Asia Sudeste.

Nan a afirma qu e sovieticonan ta hasiendo tur cos actualmente pa no compromete nan mes pa ricibi Johnson publicamente, por lo menos te ora qu e actual crisis internacional a baha y que relacionnan di Kremlin cu China

E informenan en cuestion ta bisa, ademas, qu "parse qu awor ta casi sigur", di qu e bishita

qu a ser asina tantu spera di Johnson pa Europa lo tuma lugar, mencionando luna di juni proximo como e mihor oportunidad, en vista di e actual indicionan.

E viaje di Johnson pa Europa lo por habri lugar pa iniciativa nan di Occidente respecto un arreglo mas amplio di e problemanan europeo, una bes qu e actual desacuerdonan entre e aliadonan baha, segun nan a participa den fuentenan diplomatica.

Sin embargo, prome di e bishita di Johnson probablemente lo tin un serie di conferencia nan diplomatica importante di gran balor, en relacion cu e problemanan interallado e internacional.

Durante e proximo simannan posiblemente nan lo realiza consultanan entre e miembronan di e comunidad europeo y entre Inglaterra y algun paisnan di e continente.

Nan ta considera posibel tambe qu durante e proximo primavera nan lo reanuda e combersacionnan riba desarme pa proba e intencionnan y pruebanan mas recientes di Union Sovietica.

Di otro banda, e cancellernan di e paisnan, qu ta integrá e Organizacion di Tratado di Asia

Sudoccidental (OTASO) tin un conferencia programá pa mei, qu lo mester tuma lugar na Londres.

E reunion aki lo ta mayor parti dedica ne crisis di Vietnam en particular, y di Asia Sudeste en general.

Despues di e reunion aki, nan lo tene un otro --- tambe na Londres --- di e consejo di ministronan di e Organizacion di Tratado di Atlantico Norte (OTAN) mei mei di mesun luna di mei, pa e problemanan, loke ta toca e alianza occidental.

Na april lo tin un reunion di e consejo di e Organizacion di e Tratado Central (COTG), pa discuti e situacion den e Medio Oriente intrankil.

E informenan ta subraya qu e bishita di Johnson lo no wordu probachá pe aliadonan europeo pa hinka e presidente norteamericano den negociacionnan caracteristicanan di conferencianan cumbre.

E bishita lo ta mas bien como un ocasion pa un serie di "cambionan exploratorio" di alto nivel, qu na su turno lo por allana e caminda pa negociacionnan subsiguiente a traves di e canalnan diplomatico normal of riba e mesa di conferencianan.

Moscu -- UPI -- Union Sovietica ayera a pone un satélite sin tripulacion e di cuater qu e ta lanza pa espacio den dos dia.

SITUACION DI GANADERIA Y AGRICULTURA TA EMPEORA

Montevideo -- UPI -- E situacion den henter e pais como consecuencia di e intenso y segura largu, ta bini ta causa perdidadnan serio ne ganaderia y agricultura.

Den e ultimo 24 oranan nan a registrá masha tiki awaceru den e parti sur y litoral, qu no a alcansa na aliviá e situacion. Solamente na Rocha e caimentu di

awaceru tabata algu.

E zonanan mas castigá ta e parti norte y noroeste.

Den e provincianan Artigas, Riviera, Cerro Largo y 33, tur yerbanan ta secu secu y nan ta teme qu aki un paar di dia mas lo no tin awa di bebe pe poblacion. Na Riviera nana sorru pa si e asunto resulta qu no tin awa di bebe anto e ciudad bra-



Riba iniciativa di su representante na Antillas Neerlandes (Spritzer & Fuhrman Koninklijke Begeer a trese e medalla na ocasion di e segundo lustro di Statuut di Reino Hulandes.

E plan ta di señor M. Kutterink, inspira pa Statuutmonument na Corsow. E medalla ta pisa siete gram y tin 23 karaat di oro. E diametro ta 22 milimeter.

For di awor bo por hasi bo pedido na un di e kantornan di HBU.

E prijs di e medalla ta 50 florin hulandes.

silento fronteriza Santa Ana do Livramento lo propocionele awa di bebe.

Segun informenan e ministerio di ganaderia y agricultura den varios zonanan di e pais a perde di entre 40 y 90 por ciento di e cultivonan di maishi y girasol.

E candela - nan a hasi e danjo nan di e ganaderia mas grandi ainda. E pronosticonan meteorologico pe proximo dianan ta, no obstante, optimista, sperando di qu awacerunan beneficoza lo cai y mas abundante qu esnan qu a wordu registrá ultimamente.

Informacion di polis

Ayera nan a pone na conocimentu di polis di robo di un cartera di dama cu ela laga tras den su auto cerra na yabi. Desconocidonan a sabi sin embargo di habri e auto y bai cu e cartera cu tabata contene algun prenda na valor di Fl. 150.-

Polisnan ta investigando e caso.

Ayera pa mas o menos 3'or un candela chikitu a ser anuncia den Begonjastraat (Van Engelen, Na yegada di polis, nan a constata cu un truck di sushi tabata na candela.

Ta parce cu un drum den cual shushi ta worde kima, a worde tira den e truck cu a causa e candela.

Brandspuit di Río Canario a paga e candela.

AGRADECIMIENTO

Mi quier agradecer henter pueblo di Coro pa e gran acogida na Aeropuerto di Coro y muy en especial na gobernador di Coro, familia van Grieken, familia Sanchez y henter pueblo di Coro pa e trato excelente cu nos a haña.

Gracias y te un otro oportunidad.

Jorge Marchena
Breedestraat 119 (O
Curacao, A.N.

Recherchenan a drenta den un Gambel-house na Wels Afo, caminda nan a sorprende 4 homber cu a worde detene. Nan a conquista mas o menos Fl. 750.

Ayera 25 pasa di un tabata tin un dalmentu riba Kareldoormanweg entre dos auto di familia. Causa di e dalmentu tabata no dunamentu di preferencia.

E chauffeur di un di e autonan a hanja un sla na su cabez. Daño material ta considerable.

ATRACCION ESPECIAL

Tur auto cu ta cambia zeta na nos "Instalacion Automatico di Cambia Zeta" ta ser "limpia cu stolziger" GRATIS ademas lo ser obsequiá un regalito.



"UNDA SERVICIO TA UNICO"

POMP DI GASOLIN
PABLO FREDERIK

Bellina 37 - Tel.: 35913

Na Harlem nan ta preparando pa mata lidernan di Musulmannan

NEW YORK -- UPI -- Tabatin rumornan ta circulá di qu partidariannan di e lider extremista di color Malcolm X, quende a wordu asesiná antayera, tabata preparando emboscadanan den e barrio di color Harlem pa mata lidernan di e secta di musulmannan di color, quendenan ta wordu culpa pemorto di Malcolm X.

Pa tal motibu, polisnan a movilísá "trupanán di choke" qu lo mester dirigi nan mes pa Harlem, seccion di e parti noreste di e isla Manhattan qu ta e lugar na unda tin e cantidad mas grandi di hendenan di color den henter Estados Unidos.

Malcolm a wordu agredí antayera cu "cachi candela" pa por lo menos tres homber di color, mientras qu e tabata papia den un reunion di mas o menos 400 di su partidariannan.

Por lo menos 16 bala a alcansá e y dos di e proyectilnan a drenta den su curason.

Un di esnan qu ta wordu acusá como asesino a wordu heridá pa un bala y capturá. Busqueda pa e dos otro pistoleronan qu tabata companjá e detenido ta ser

continúa.

E tresnan aki a shita un brin-gamentu cu otro net ne momento nan ey pa kita a tencion di ehen-denán.

Polisnan y e Direccion Federal di Investigacionnan (FBI) tambe ta busca seis partidario di Malcolm qu, segun nan a informá a biaha den un auto pa Chicago pa mata e "profeta" di e musulmannan di color, Elijah Muhammad.

Na Harlem tabata corre e rumor di qu nan tabata prepara un emboscada contra James 3X, lider di e musulmannan di color quende a reemplazá Malcolm X den e mezquita di New York, despues di qu e ultinio aki a wordu distitui.

Expulsion di Malcolm X di e secta di e musulmannan di color a

tuma lugar den un lucha pa poder. E secta a bisa qu ela wordu expulsa pa motibu di observacionnan qu ela formula despues di e asesinato di presidente John F. Kennedy.

Na Boston, e dirigente di color Ella Mae Collins, qu ta medio ruman muher di Malcolm, a priminti di sigi e actividadnan di e difintu.

Walter Arm, subhefe di polis-nan, a bisa ayera durante un conferencia di prensa qu "durante varios dia" lo tin efectivonnan policial den refuerzo na Harlem.

Ela aclará qu ademase cientos di patrulleronan qu ta recorriendo Harlem, mas di 100 homber qu ta pertenecé ne "forsanan tactica di patrulla" di e jefatura di polisnan.

UN APARTAMIENTO NOBO NA DISPOSICION DI KRUSCHEV

Moscu -- UPI -- Gobierno di Rusia a duna Nikita Krushev un apartamento nobo den e capital aki, den cual e ex-prome ministro ta propone na pasa varios dia pa siman, segun fuente-nan bon na altura a revelá ayera.

E estadista destitui awor tin dos residencia; un den su aldea Usovo y un otro na Moscu, segun e fuente-nan informante.

Den e ultimo simannan aki Krushev a bishitá e capital aki ocasionalmente pa mira su yiu y nietunan. E anochinan e tabata pasa den su apartamento nobo, den centro di e ciudad, algun minuut for di Kremlin.

E direccion exacto di e residencia nobo di e ex-hefe di Gobierno den e capital aki no a wordu revelá, pero amigunán di su

famla a indicá qu Krushev y su esposa a ricibi un apartamento di cinco habitacion mueblá, den un edificio di nueve piso.

E famla ta sigi usa un auto di estado, cu chofer, y tambe ta goza di tur e privilegionan di e jubiladonan distingui, manera e derecho di compra cuminda, panja y articulonan pa cas den establecimientonan gubernamental special, na prijsnan barata.

Tabata imposibel, pa hanja informacion riba e actividadnan actual di Krushev, "Por fabor y pa di ultimo biaha comprondé di qu Krushev awor ta un ciudadano privá, no ta interesá nos ikko e ta hasi. E por hasi tur loke e kier, mira quen qu e kier y bai unda qu e ta gusta mas", asina un funcionario sovietico haltu a bisa.

Gran Bretana a anuncia cu lo e baha importacion na 10 porciento

Ginebra -- UPI -- Gran Bretana a soluciona ayera loke ela planteaba den seno di e Asociacion Europeo di Comercio Liber, anuncia qu el lo reduci e sobretasa di 15 por ciento na 10 por ciento qu ela pone riba importacionnan.

Reduccion di 5 por ciento lo cuminsa for di dia 26 di april proximo mei anochi, segun e ministro di economia ingles, George Brown a bisa den un conferencia qu a wordu tené den e ciudad aki pa e asociacion aki.

E anuncio a ser ricibi cu aprobacion y alivio pe ministronan di e otro seis paisnan miembro di e asociacion; Austria, Dinamarca, Noruega, Portugal, Suecia y Suiza.

Nan tabata teme di qu Gobierno britanico lo a declara su mes imposibel pa baha e sobretasa,

qu a wordu decreta luna pasa como medida pa trata na stop e balanza di pago internacional.

Den opinion di algun funcionariannan, si e imposibilidad ey a sigi, anto e futuro di e asociacion europeo di comercio liber lo tabata incierto, na opinion di hopi.

Sin embargo Brown a pidie paisnan en cuestionun periodo di gracia despues di april, prome di qu Inglaterra por hasi un reduccion.

"Nos ta spera qu e rebaja di ayera lo permiti e asociacion na duna un periodo di confianza y estabilidad den e proximo lunanan", asina Brown a declará.

Despues di e reunion, algun ministronan a bisa di ta plenamente dispuesto na duna Inglaterra tempu pa por aboli of reduci e asunto di sobretasa.

Rusia a bolbe pone un satelite den orbita

Moscu -- UPI -- Union Sovietica ayera a pone un satelite sin tripulacion den orbita, siendo esaki di cuater qu e ta lanza den espacio den dos dia.

E agencia di noticia Tassa a bisa qu e lanzamiento di ayera a wordu impulsá pa un solo satelite. Antayera Union Sovietica a pone tres satelite den orbita qu a wordu transporta pe mesun cohete.

E satelite di ayera tabata e di number 57 di e serie cosmos qu Rusia a bini ta lanza pa espacio for di dia 16 di maart di anja 1962. Tassa a informa qu e instrumentonan di Cosmos 57 ta funcionando normalmente y qu e satelite ta describi un revolucion completo rond di terra cada 91,1 minuut.

E orbita di e cosmos-57 tin un declinacion di 64 grado 46 minuut riba Ecuador. E anuncio corticu di Tassa a bisa qu "e sputnik ta contene instrumentonan científico pa continua estudionan di espacio, di acuerdo cu e programa qu a wordu anuncia dia 16 di maart di anja 1962.

Nan ta kere qu pa e lanzamiento triple di antayera e rusonnan a usa cohete-nan nobo cu cual nan a ensayá luna pasá riba Oceano Pacifico.

"Estrella Roja", organo di e ministerio di defensa a bisa qu e cohete tin un alcance di mas di 128,000 kilometer.

Tantu Rusia como Merca anteriormente a hasi lanzamientonan multiple cu un solo cohete.

LOTERIA PERUANA

31 Marzo 1965

Promé Premio 1 MILLON Solas Oro

(Aprox. U.S. \$ 40.000,00)

Biljechi hinté : U.S. \$ 5.00



Pa 10 biljechi pariba bo ta haña 10% descuento

Tan pronto cu nos ricibi bo pedido nos ta manda bo biljechinan via AIRMAIL CERTIFICA pa bo, y e siguiente dia di e sorteo, nos ta despachá e lista di premionan pa bo.

Como na Perú tin completa libertad di cambio, ta masha fácil pa reclamá bo premio.

AWOR BO TIN UN FORTUNA NA BO ALCANCE. MANDA BUSCA BO BILJECHINAN INMEDIATAMENTE CU AEROPLANO PASO-BRA NAN TA CABANDO.

Usa e formulario aki pa bo conveniencia y mandé cu e balor CERTIFICA cu AEROPLANO PA :

M. LUNA REYES, Agente Autorizá

Apartado 5022, LIMA PERU.

Nos ta acepta giro na dollar contra New York of Lima. Sea asina bon di mandami liber di gasto.

Number.....

Dirección.....

Departement Van Onderwijs

De "Netherlands Universities Foundation for International co-operation" te Den Haag, maakt bekend dat van 21 oktober 1965 tot 10 september 1966 aan de Technische Hogeschool te Delft, Nederland een "International Course in Hydraulie Engineering" en een "International Course in Sanitary Engineering" zullen worden gehouden.

Het onderwijs aan deze cursussen zal in het Engels worden gegeven, zodat een goede kennis van de Engelse taal wordt vereist.

De belangstellenden dienen de graad van "Civil engineering" te bezitten en moeten kunnen bogen op enige jaren praktische ervaring.


Nadere inlichtingen kunnen bij het Departement van Onderwijs, Johan van Walbeekplein 2 te Willemstad, Curacao, worden verkregen.

De Inspecteur van het Onderwijs, P.T.M. Sprockel.

DISFRUTE DE LA VIDA!

NO SE DEJE VENCER, FORTIFIQUE SU ORGANISMO

El trabajo físico o mental, las preocupaciones y los excesos, merman las energías. Si amaneca cansado, agotado, e decaído, tome CEREGEN, el tónico restaurador del organismo, recomendado en los casos de debilidad, agotamiento y convalecencia de enfermedades agudas.



Para sentirse bien

CEREGEN

BEKENDMAKING

LUCHTVAARTDIENST N.A.

Met ingang van dinsdag 23 februari 1965 is de Luchtvaartdienst N.A. beschikbaar onder de telefoonnummers:

47123 en 47138

De in de telefoongids opgenomen telefoonnummers voor de diverse afdelingen zullen met ingang van dezelfde datum komen te vervallen.

MALINOVSKY A BISA CU E CRISIS DI VIETNAM POR BIRA UN "GUERRA MUNDIAL"

MOSCU -- UPI -- Mariscal Rodion Malinovsky, minister di defensa di Rusia, a califica politica di Merca como "perjudicial y agresiva" y a adverti cu e hostilidadnan di Vietnam por converti den un "Guerra Mundial".

"E politica perjudicial norteamericana contra Cuba no a stop, e tin guerra na Vietnam, e ta practica intervencion na Congo", e mariscal a declara awe den un articulo cu e corant "Pravda" ta publicá.

Pero un di e lenguahenan mas brutu di Malinovsky ta cu el a bisa ayera bispu di e di 47 aniversario di Forsanan Armada soviética, ora cu el a adverti cu un guerra nuclear lo caba cu "Imperialismo".

Malinovsky a bisa tambe: "Nos

no ta tene secreto di e hecho di cu nos tin explosivonan nuclear di poder, cu tin na posesion di nos Forsanan di cohetaria".

"Nos ta dedica un atencion constante na e perfeccionamiento di etrupanan estrategica di cohetaria. Esakinan tin e number suficiente di cohetenan di tur tipo", Malinovsky a declara.

El a afirma tambe cu e poderio di un division di infanteria motorisá di Rusia ta actualmente tres biaha mayor cu esun di Merca. Tanquen sovietico ta muchu mas fuerte cu esnan di Merca y Alemania Occidental.

Pero e minister di defensa a equilibra su jactancianan dunando e seguridad atrobe di cu Rusia ta desea paz. Malinovsky a bisa mescos cu den su declaracion di ayera.

Johnson ta pidi juventud yuda den causa pa libertad

Washington -- UPI -- Presidente Lyndon B. Johnson ayera a pidi libertad norteamericano pa promové e causa pa libertad participando den e responsabilidadnan, den e peligros y den e asonnan di nan tempu.

E presidente a describi e sacrificionan y recompensanan di "gran sociedad" den un discurso qu el a redacta pa wordu pronuncia den ceremonianan di e prome aniversario di 100 anja di Universidad di Kentucky, na Lexington.

"E sociedad grandi", asina Johnson a declará, "no por wordu edifica solamente pa Gobierno. E tin mester di boso sacrificio y esfuerso".

Paplando dilanti un congregacion grandi den e Universidad di Kentucky, e presidente a bisa tambe: "Nos no por retira nos mes, ni nos lo no retira nos mes di e mundo aki tampoco. Nos ta denemasiado ricu, poderoso e importante, pero tambe nos ta sin nos mes preocupá".

E presidente a traslada su mes di Washington pa Lexington den un vuelo sin escala, pa pronuncia e discurso aki. E ta pensa

na regresa Casa Blanca direct. Johnson a subraya qu e no tabata paplando di politica exterior, aunke el a afirmá, "nos relacionnan den extranjero ta presenta problemanan grave e inmediato".

El a bisa qu e tabata papla mas bien di e retonan di awendia qu ta wordu planteá dilanti e norteamericanonan den e campanan tantu nacional como extranjero.

"Haber di hende no solamente di nos regionnan pover sino di Asia y Africa, tambe ta preocupa nos mes".

ESTUDIANTE A TIRA AUTONAN CU PIEDRA

Bogotá -- UPI -- Grupo di estudiantenan ayera a bati varios vehiculonan particular y oficial cu piedra den becindario di e ciudad universitario, como protesta pa detencion di 10 di nan colega nan qu ta wordu acusa di a organiza un tiramentu di piedra contra e centro cultural Colombia-

no - Norteamericano dies dia pasá.

Polisnan a manda algun polis inmediatamente pe iuchar di e hechonan, pero no tabatin choke ni detencionnan. E situacion a wor ta calmo.

E detencionnan ta miembronan di varios organizacionnan hube nil comunista y castrista, qu nan accion kier protesta contra e politica di Merca na Vietnam.

TRILLIZO A NACE NA URUGUAY

Montevideo -- UPI -- Ayera trillizos a nace den e sanatorio di Casa di Gailica. Nan ta un homber y dos mucha muher quendenan yama Jose Luis, Maria del Huerto y Maria del Rosario.

Tantu e muchanan como nan mama, Carmen Soto de Beres, di 33 anja di edad, ta gosa di un salud perfecto.

Perfecto Beres, di 41 anja, y su esposa ya tin un mucha muher di cinco anja.

RUSIA A ACUSA MERCA

Moscu -- UPI -- Union Sovietica ayera a acusa Merca di qu su barcunan y avionnan ta hostigando barcunan ruso riba laman grandi.

Den un nota formal di protesta y qu a wordu entregá ne embahada norteamericano, gobierno ruso ta senala qu e hostigamiento ey ta tumando lugar, cada biaha mas tantu den becindario di Vietnam.

E nota ta califica e hostigamiento como "actitudnan prohibi y peligroso" y a exigi pa qu Gobierno norteamericano "adopta e medidanan necesario pa previni actitudnan similar den futuro ... e norteamericano nan mester asumi tur responsabilidad pe consecuencianan posibel di tal actitudnan.

Montevideo -- UPI -- Profesornan di enseñanza secundario a declara nan mes den un wela pa un tempu indefinido ora qu e cursonan di e anja aki cuminsa. E resolucion lo ta wordu adopta si prome qu e fecha ey nan no paga nan nan sueldonan di januari, qu nan debenan y cuminsa e pagonan correspondiente ne luna di februari.



Why shouldn't he stare at her hair?

It sparkles so. Bright. Alive. And she knows it. She put that shiny life there with Long Aid K7. See YOUR hair come alive for the very first time. So very little does so much. Long Aid K7 makes those new soft 'n curvy hair styles so easy, too. Flatter yourself... try this bright idea in hair dressing. Then he'll stare at your hair.



Long Aid K7

girls who care about their hair THINK PINK!

EL LOUVRE S.A.

Historia di un Secretaria

E no kier mira e cosnan aki den, e kamber mui, e porselana estilo bjeuw, e koekinan di tur diadomingo y su mayornan cu kler stroba su felicidad. "Asinal kler meen cu e kler casa cu bo, Sr. Bratt ey!", Sra. Gronau ta bisa amargo. "Y pakiko e no ta bin cerca nos pa pidi bo man, manera mester ta? Un homber di tal circulo mester sa con e mester actua den tal caso". Enérgicamente e ta dal su dede riba e mesa. "Bo mama, cu semper bo ta kere cu e ta un hende kens y bobo, e por bisabo esey, mi jiu! Pasobra nos no ta suficiente formal pé, y pasobra nos no ta pas cu né, ta pesey Sr. Bratt no ta bin akinan! Pasobra hendenan manera nos ta bon pa traha pa nan y duna nan nos jiu muhe pa e disfruta cu né". "Esey no ta berdad! Bo ta bisa esey djies pa ofendemi. Pasobra bo no por soporta cu e biaha aki bo no tin razon, cu bo queho constante di pobreza y discrecion y mi nosa kiko mas! Pasobra bo no por duna mi e felicidad, pa mi..."

"Barbara!", tur dos ta exclama juntu, y ta lanta para. Barbara ta keda mira su tata cu wovonan hancho habri. "Ta berdad", e ta bisa foy rosea. "Y lo mi casa cu Axel Bratt, maske cu boso no ta di acuerdo". Lentamente Leo Gronau ta sacudi su cabes. "Lo bo no hacié. Pero lo bo haci un otro cos mi jiu, y esey ta: saca e homber ey foy

bo cabes. Y pa bo hacié definitivamente, nos ta mandabo seis luna pa Wenen.... lo bo bay e school pa intérprete!".

"Kiko?"
Increíbel Barbara ta keda mira su tata. E tin e lomba di su stoel su tata. E tin e lomba di su stoel duro teni. "Esey... esey ta un locura", e ta exclama. "Boso kler kitami di Axel, pero nunca esey lo sosede. Hamas!" "Nos lo mira", su mama ta contesta. "Ya nos a sinta kibra nos cabes hopi caba. Varios siman nos no por a drumi bon y awor...." "Y awor boso a haya un idea cu ta completamente ridiculo. Pero lagami laga boso sa di biaha, ami no tin ningun intencion pa bay Wenen!" Leo Gronau ta pone su man riba schouder di su jiu. Su stem ta zona serio.

"Sinembargo lo bo bay, mi jiu. Tantem cu bo ta bibando bou mi poder, lo bo haci loke mi bisa. Y bo sa masha bon, cu ami cu bo mama kler solamente pa bo haya bo felicidad".

Barbara ta cuminsa hari histérico. "Esey si ta bon pa mi! Boso kler hacimi bira un infelís, boso kler kitami tur placer den bida. Kiko mas boso kler? Boso kler pa mi bay studia idioma ruso? Pakiko?" Cu rabia e ta keda mira su tata, pero despues el a comprende cu esaki no tin intencion pa cambia su decision. "Bo por escohe tranquil ki sorto di idioma bo kler studia ainda", su tata ta bisa. "Mas bo sinja, mas mihor ta pa bo mes. En

todo caso mayan merdia mes bo ta bay. Ya mi a percura pa bo pasaporte caba".

"Kier meen, cu boso a planea tur e cos nan aki tray mi lomba! Pero un cos so mi por bisa boso di awor caba. Nunca lo mi lubida Axel Bratt, maske boso nan mandami na fin di mundo". "Bo mester lubida e homber ey, mi jiu", su mama ta grunja. "Lo bo hayabo den un otro vecindario sinja conoce otro hende, y despues lo bo mira cu tur cos tabata un iocura". Casi suplicante e ta keda mira su jiu muhe. "Y ken ta paga tur e gastonan", Barbara ta puntra cubofon. "Nos tin un poco placa Barbara", su tata ta contesta tranquil. "Nos a percura pa tur cos, y lo no faltabo nada. Lo bo pasa bon ayanan. E ta un di e schoolnan di mas mihor, y lo mi no sa kiko nos por haci mas mihó cu e placa."

"Coy kere esey", su jiu ta contesta sarcástico. "Pero tochi tin un cos cu boso a lubida" Kiko bo kier meen?" "Stefan Bratt. Ta imposibel pa mi bay cerca dje, y bisé cu mi no ta traha mas cu né, pasobra mi a dicidi di bay studia na Wenen. Y ademá mi no por kita foy trabou di un dia pa otro."

"Sinembargo ta asina", su tata ta bisa, "bo por haci esey Barbara. Y den futuro lo bo no traha mas pa familia Bratt. Ami mes lo busca un trabou pa bo despues". Barbara ta pensando

riba Stefan. E ta trata pa imaginé su dilanti, manera cu e sa ta tur dia: bisti den un flus preto. Pero tochi e no por. Mas lihe e por imaginé e anochi cu e tabata na nan villa. E ta miré su dilanti, manera cu e tabata pará e dia aya na e porta. Y con despues el a mira nan dos, esta e cu Axel juntu den e biblioteca bandi e dos glasn di champagne.... "Esey ta imposibel, e lo bay pensa cu mi a bira loco. Elo no comprendemi".

Pero su tata no ta iaga nada cambia su decision. "Alcontrario Barbara. Di tur loke bo a contami di dje, mi ta sigur cu e lo comprendebo. Y e lo no duna bo ningun dificultad. Y manera e asuntunan ta actualmente, lo e keda agradece cu bo ta bay voluntariamente. Mayan mainta tempran lo bo bay cerca Sr. Bratt. Esta, si bo no kier pa ami bay cerca dje...."

"No", Barbarata corre contesta. "Si ta asina, mi mes lo kler papia cu né. Ya cu bo ta kere cu bo ta hacimi un favor, cu bo idea absurdo".

Su tata ta caricia su cabeynan cu ternura. "Si, nos lo hacié, Barbara, maske cu awor bo no ta kere. Pero despues lo bo admiti cu nos tabata tin razon,

y lo bo lubida tur e asunto aki". E ta kinipi wowo cu né.

"Kere bo tata bjeuw. Maske cu mi ta un simpel trahado den mina, tochi mi sa con bida di hende ta".

Barbara no ta contesta, pero su garganta ta haci dolo. E ta sera su wovonan un rato. "Okay ta bon", e ta murmura. "Mayan lo mi bay Wenen".

"Kiko? Bo kler iaga nos? Y awe caba?" Stefan Bratt no por kere loke e ta tende. Di repente e no por imaginé, cu ayera noch el a sinta pensa asina hopi, y cu porfin el a jega na e conclusion cu esaki lo ta e mihor remedí. Y awor cu Barbara kler kita voluntariamente, el a realisa cu nunca e lo tabata tin e valor pa duné su retiro". Tadeso di bo mayornan esaki Barbara?" Barbara ta admiti cu su cabes, pero e no ta miré den su cara.

"Si", e ta contesta, miedu e ta keda mira e tapijt. "Cu tata kler asina". E ta hinca su den su saco, saca un sigaro. cendé, pero no ta kita su bisti foy Barbara. E ta sonrei. "Parece cu bo tata ta un homber masha inteligente".



1. Gezaghebber O.S. Henriquez di Aruba, saludando e Princesa na e momento cu el a caba di baha for di e avion "Bonaire" for di Corsow. Na drechi ta mirando Premier E. Jonckheer di Antillas.



4. E mucha muher Greta Falconi ta esun cu a toca e honor pa entrega un bunita bouquet di flor na e Princesa asina cu esaki a caba di yega na aeropuerto ayera mainta. Ariba e foto nos ta mira e momento cu e Princesa ta ricibi e flornan for di e A.M.G.-bleenchi di Tanki Leendert.



2. E Brassband di Y.M.C.A. tabata presente na e yegada di Su Alteza Real Princesa Beatrix pa percura pa musica y alavez toca e himno nacional na su yegada. Na drechi nos ta mira dirigente di e brassband cu ta senjor A. Beyde.



5. Na Aruba Caribbean Hotel, General Manager Henri Steeber y esposa a ricibi Princesa Beatrix, pa kende e di cuatro piso completo di e hotel a worde reserva pa tres dia. Na robez senjor Steeber y senjora ta saluda e princesa.



3. Na entrada di e hal di e aeropuerto e Princesa a worde introduci na e comision di recepcion consistiendo di robez pa drechi di deputadonan, C.D. Mathew, A. Falconi, G.A. Oduber, y Gezaghebber Interino I.S. De Cuba. Ariba e foto nos ta mira momento cu Deputado Oduber ta worde presenta na Su Alteza Real.



6. Aki ta e momento cu Princesa Beatrix ta yega na Bestuurskantoor pa tuma e aubade di e muchanan di school. Gezaghebber Henriquez na robez sumamente atento a asisti e Princesa na e momento cu el a baha for di e auto.



7. Hopi mucha y hopi bandera tabata na e aubade pa Princesa Beatrix ayera mainta.



8. Hoben y bieuw tabata na Bestuurskantoor ayera mainta pa e aubade na honor di Su Alteza Real Princesa Beatrix. Tambe Eliza Martez, conoci den Oranjestad cu su brijechinan na man tabata admira e Princesa yen di emocion y atencion. Su opinion tabata: "Nos Princesa ta bunita".



11. Cu hopi atencion y debocion e muchanan di school tabata canta nan canticanan pa e Princesa. Nan a resona nan bunita boznan di lo mehor cu nan tabata por. Y merecidamente nan a ricibi un dia extra liber for di e Princesa pa esaki.



9. Atentamente Princesa Beatrix ta sigui e cantamento di e muchanan di school for di balcon di Gezaghebber Henriquez, mientras na su man drechi ta acompaña Premier di Antillas, E. Jonckheer.



10. Poco promer cu e yegada di Princesa Beatrix na Bestuurskantoor, varios muchanan no por a soporta e precencia den tanto otro mucha asina para ariba otro. Den e careda di...un...tres... nan tabata cai flauw. E padvindernan manera semper tabata tey pa duna asistencia necesario.

Esta es una publicación del Consulado General de Venezuela En Curazao, Antilla Neerlandesa.

En sucre

Casi tres millones di Bolívares para programas de consolidación



Casi tres millones de bolívares contempla el proyecto para el Valle de San Bonifacio, en el Estado Sucre, que ha sido aprobado por el Banco Interamericano de Desarrollo y que se refiere a la construcción de obras de consolidación, con el fin de lograr el desarrollo de los distintos programas de Reforma Agraria que allí se cumplen. Este proyecto, con el cual se dará comienzo a un programa más amplio, que requerirá de la inversión de un capital mucho mayor para la consolidación de asentamientos campesinos, estará orientado a introducir mejoras en la vivienda rural, incorporación de nuevas tierras a la producción agrícola, así como aquellas obras necesarias para un mejor desenvolvimiento de las actividades agrícolas.

En tal sentido, el Departamento de Ingeniería de la División de Consolidación, está dando los pasos necesarios para proceder al inicio de los trabajos inmediatamente a la salida de las lluvias; muchos de los cuales fueron paralizados cuando estas se hicieron presentes.

La suma exacta a ser invertida en el Valle de San Bonifacio, es de Bolívares 2.860.000,00 y con la realización de las obras programadas, espera el Instituto Agrario Nacional activar el uso más efectivo de la tierra y lograr la creación de las condiciones requeridas para el incremento de la productividad, de los factores de producción y especialmente del trabajo en el campo.

CONSERVACION Y COMERCIO DEL HIERRO

Desde la iniciación de la etapa democrática, el Gobierno venezolano ha tomado medidas tendientes a obtener para la nación una mayor participación y un papel más determinante en la explotación de su riqueza minera y petrolera. A tal fin se implantó la política de "no más concesiones", se creó la Corporación Venezolana del Petróleo, se promovió la constitución de la OPEP, y se estableció un mecanismo para vigilar los precios y la explotación de los hidrocarburos. Asimismo, se han dado los primeros pasos para promover la fundación de la Organización de Países Exportadores de Hierro.

En este orden de ideas, el Gobierno ha estado observando con preocupación el deterioro que han sufrido en los últimos años los precios del mineral de hierro. Se ha descubierto que, por efecto de los precios, la industria del hierro dejó de percibir, desde 1962, la suma de 33.853.000 dólares, de la cual una parte considerable le hubiera correspondido a la nación.

El Estado venezolano no podía permanecer indiferente ante un perjuicio económico de esta magnitud, particularmente en vista del contraste que presenta el deterioro del precio del mineral con el alza simultánea que experimentaron los productos terminados de la industria siderúrgica mundial. Por este motivo, el Ministerio de Minas e Hidrocarburos dictó una resolución, de fecha 3 de diciembre de 1964, creando la Comisión Coordinadora para la Conservación y el Comercio del Hierro. Las funciones de la Comisión consistirán en promover la racionalización de la explotación y venta de mineral de hierro en Venezuela.

EL I.A.N. ADQUIRIRA FINCAS PARA LA REFORMA AGRARIA




VICTOR PENALVER

Varias fincas que serán puestas en manos de campesinos del Estado Portuguesa adquirirá el Instituto Agrario Nacional según se acordó en reciente reunión sostenida y en la cual estuvieron presentes, el señor Víctor Penalver, del Directorio del IAN; el Delegado Agrario, señor Ramiro Marciano; el Sub-Delegado, señor Deogracio Sánchez; el Ciudadano Gobernador de ese Estado; el Delegado del MAC y representantes de la Federación Campesina de Venezuela, Seccional Portuguesa y del BAP.

Se acordó, igualmente, la adquisición de bienhechurías y deforestación en terrenos ejidos.

VENEZUELA CENTRO DE TELECOMUNICACIONES DE AMERICA LATINA

Por medio de un cable submarino, una amplia red de enlaces por radio y un sistema de discado telefónico directo, Venezuela tendrá en un futuro cercano comunicación más eficiente tanto con los países del Continente Americano como con Europa. A un costo de treinta millones de bolívares será tendido un cable submarino que comunicará a Caracas con Jacksonville, pasando por la Isla Virgen de Santo Tomás. Este cable permitirá una comunicación eficiente con los Estados Unidos y servirá también de enlace a otros países latinoamericanos, convirtiéndose Venezuela en el centro de telecomunicaciones de América Latina. Los nuevos enlaces radiofónicos conectarán al país con Estados Unidos y Europa, así como también con once naciones latinoamericanas. Para 1967 se espera contar con cuarenta y cuatro canales de radio internacionales. Se contempla introducir discado directo entre Venezuela y Estados Unidos; además, se han iniciado conversaciones para la instalación de líneas que comuniquen al país con Italia, España, Inglaterra y Alemania. Por otra parte, el Plan de Telecomunicaciones que se inició en 1963 y terminará en 1967, comprende también implantar el discado directo en la comunicación telefónica con cualquier punto del país. Para la adquisición de maquinaria que requiere este proyecto, el Gobierno ha recibido ofertas de financiamiento provenientes de Instituciones crediticias privadas, tanto norteamericanas como europeas, así como también del Banco Mundial.



En pleno Parque Nacional del Este se encuentra el Planetario Humboldt, construido por el Gobierno Constitucional y puesto al servicio del pueblo para proporcionar entretenimiento instructivo. La cúpula tiene un diámetro de 20 metros. El proyector, construido en Alemania, puede representar con exactitud, el movimiento de los astros, la posición del sol, las fases de la luna, en un plazo que abarca desde 10.000 años antes de nuestros días, hasta los próximos 14.000 años. Un equipo de eruditos conferencistas dicta charlas de divulgación popular y efectuar cursillos y seminarios especiales para grupos de aficionados y profesionales.

En la gráfica aparece el proyector, el más moderno del mundo, cada una de cuyas cabezas representa uno de los polos. Tiene cinco metros de longitud, pesa dos toneladas y media y consta de casi treinta mil piezas, proyectando luces contra la bóveda del planetario por sus 149 ojos.

VENEZUELA EXPORTA CHICHA A LAS ANTILLAS HOLANDEAS

Envíos a las Antillas Holandesas de 18 mil kilogramos de chicha, registra la última lista de exportaciones venezolanas publicada por el ministerio de Fomento.

Además de la chicha, entre las últimas exportaciones a las Antillas Holandesas figuran más de 159 mil kilos productos agrícolas; 15 kilos de harina de maíz; 1.900 kilos de caucho y cámaras de aire; 325 mil kilos de láminas onduladas para techos; 3.200 kilogramos de galletas; y 2.000 kilogramos de estantes de acero. Fomento señala una mayor diversificación en las exportaciones a las Antillas Holandesas.

AUMENTOS DE LA PRODUCCION EN RENGLONES DE GANADERIA Y AVICULTURA DURANTE 1964

Aumentos de diversas magnitud. En 1963, a 378.430 animales, con un des se registraron en 1964 en la valor de 3.784.300 bolívares en producción de casi todos los renglones. En cambio, el ganado ovino glones de la ganadería y la aviación descendió en un 5,8 por ciento, cultura, especialmente en el rubro al pasar de 45.780 cabezas, con de los huevos —que se incrementó un valor de 457.800 bolívares en taron en más del cincuenta por ciento—, en comparación con el valor de 431.210 bolívares, en 1963. año precedente, según se informó. Respecto a la producción avícola, en el Ministerio de Agricultura, aumentó en un 20,1 por ciento, al pasar de 32.307.000 aves, a 39.011.000. Se señaló al respecto en ese momento un valor de 101.307.000 bolívares. Despacho que, en cuanto a la ganadería, en 1963, a 38.648.000 aves, nadería, la producción de bovinos con un valor de 121.663.904 bolívares, ascendió de 927.510 cabezas en varas, en 1964. La producción de 1963 a 934.248 cabezas el año nuevo se incrementó en un 56,6 pasado, al tiempo que su valor se por ciento, al pasar de 300.312.000 elevó de 262.485.330 bolívares en unidades, con un valor de 1963 a 264.391.618 bolívares en 58.260.528 bolívares, en 1963, a 1964. Por otra parte, el ganado 470.416.000 unidades, con un va- porcino se incrementó en un 2,4 por ciento, al pasar de 91.260.528 bolívares en dades con un valor de 54.428.166. Finalmente, la producción de bolívares, en 1963, a 756.367 unidades, se aumentó de 521.470.000 li- dados con un valor de 83.38.066.626 bolívares, con un valor de 236.225.910 en 1964. El ganado caprino ascendió de 522.000.000 bolívares, en 1963, a 522.000.000 de 522.000 animales con un de litros, con un valor de valor de 3.772.000 bolívares, en 236.400.000 bolívares, en 1964.

Khanh no ta dispuesto pa bandona su pais

Saigon -- UPI -- Teniente general Nguyen Khanh, quende a caba di wordu relevá como comandante en jefe di forsanan armá, parse no ta dispuesto, na bandona e pais, resistiendoe demandanan di e hefenan militar qu ta trata na obligá pa bai.

Nan ta spera cu Khanh, quende su destitucion a wordu decretá ayera nochí y anuncia ne pais lo wordu traslada pa Saigon pa presenta e renuncia formal di su puesto y pa hasi arreglonan pa su exilio.

E poderoso consejo di forsanan armá, qu a anuncia e negligencia di Khanh pa renuncia despues di 12^o or di vacilacion y despues aceptá, a manda un delegacion pa Vung Tau, na mas o menos 64 kilometer di Saigon, pa conferencia cu e "hombre fuer-

te" destituf.

Pero despues nan a informá qu Khanh a nenga na regresá Saigon na menos qu nan hasi arreglonan pe pa bandoná e pais, den un forma qu su prestigio ta keda bon.

Mama di Khanh a yega Saigon ayera tardi for di su retiro montañoso Dalat pa encargá su mes cu e nietunan, e yunan di e militar destituf.

Despues, abuela y nietunan a sali den un avion di forsa aerea "pa extranjero", aunke nan no sa exactamente pa unda.

En relacion cu e medida aki, ta circula e rumornan di qu e comandante di forsa aerea, vice mariscal Nguyen Cao Ky, tin e proposito di saca Khanh for di e pais.



BANDERA ta trece alegría, mescos cu bishita di nos princesa BEATRIX lo trece alegría, laga nos celebra e bishita aki cu Bandera!

REUNION PA EVITA GOLPINAN MILITAR

MONTEVIDEO -- UPI -- E revista "El Diario" a referi su mes ne version di qu e delegacion norteamericano na proximo conferencia continental di Rio de Janeiro, lo hasi un recomendacion pa que e miembros di e Organizacion di Estadonan Americano trata e asunto qu ta evita qu golpinan militar lo por tuma lugar.

Despues di algun deliberacionnan riba e respecto, El Diario ta opiná qu "esaki lo por zona un tiki duru den e audiencia den cual e representante nan di (Humberto Castelo Branco), presidente di Brasil, Rene Barrientos (di Bolivia) y e conchavenan militar qu ta goberná Ecuador y Republica Dominicana,



UN MERICANO Y UN SIRIO A SER DETENE PA SPIONAHE

BEIRUT, LIBANO -- UPI -- Un ciudadano naturalisá norteamericano y un oficial di e ehército sirio a serejcuta na Damasco como spionnan di Merca, segun radio di Damasco a anuncia awe.

E radio siria a bisa cu Farhan Attassi, norteamericano cua nace na siria, a ser golpea na e plaza principal di e ciudad. Pa su parti su primo Moeen Nakimi, a ser fusilá den un campa-

mento di e ehército, e radio a anuncia, Nakimi tabata mayor di e ehército sirio.

Nan dos a ser condena na morto diasabra pasa despues di un juicio cu a ser realisa pa un tribunal especial di cinco miembro.

E transmision di awe a inclui e testimonio di Attassu, y cual ta bisa cu el a trata di hanja informacion militar siria a peticion di un diplomático norteamericano, y segun e declaracion tabata Walter S. Snowdon.

Snowdon, segundo secretario di e embahada norteamericano na Damasco a ser saca for di Siria pa e gobierno bao di acusacion di spionahe. Merca a penga cu ta existi veracidad den e cargo el.

Un vocero di e embahada a bisa ayera cu e representacion diplomatica a acedi e exigencia di gobierno sirio cu a pidi expulsion di Martha Scherrer, secretaria di e embahada, cu e autoridadnan siria a bisa di ta complica den e red di spionahe.

PAPA A NOMBRA 27 CARDINAL NOBO DI 20 NACION

CIUDAD DEL VATICANO -- UPI -- Den e promer consistorio secreto di su Reinado Papa Paulo VI a nombra 27 cardinal nobo di 20 nacion ayera.

Entre e cardinal nobo di Iglesia catolica ta destaca e segundo cardinal neger den historia di Iglesia, tres arzobispo di "Cortina di Herru", tres patriarca di Asia y e sexto cardinal viviente di Merca.

E cardinal neger nobo ta e arzobispo Paul Zoungana, di Uganda, volta superior cu na edad di 47 anja ta e cardinal mas joven di Iglesia. Te ayera e unico cardinal neger tabata Laureano Rugambwa, di Tanganika, cua ser nombra pa e difuntu Papa Juan XXIII na 1960.

E cardinalnan di e "Iglesia di Silencio", tras di "Cortina di Heru", tabata arzobispo Josef Beran, di Praga, Checoslovaquia, cu a yega Roma diabierne pasa despues cu comunistanan a serré 16 anja; e arzobispo Josyf Slipyi,

di Lwow, Ucrania, cu a pasa 18 anja den prison te ora cu e sovieticonan a pone den libertad na 1963 y e arzobispo Franjo Seper, di Zagreb, Yugoslavia. Normalmente Seper ta bai boncu e gobierno comunista di presidente Josip Tito.

E cardinal nobo di Merca ta e arzobispo Joseph Lawrence Shehan, di Baltimore. E unico cardinal nobo cu no a blaha pa Roma pa e consistorionan tabata e arzobispo di Malaga, monseigneur Angel Herrera y Oria.

Herrera a preferi di hanja su capelo for di man di e hefe di estado español, generalismo Francisco Franco, segun privilegio antiguo pa Espanja goza nacion catolica pa antonomasia.

Diahuebs e Sumo Pontífice lo celebra un misa huntu cu e cardinalnan nobo na San Pedro, nan lo hanja nan juramentonan di fidelidad y nan lo bisa nan nan capelonan y renchinan.

120.000 joven a hanja arma pa entrenamiento militar

Tokio -- (UPI) -- Vietnam del Norte comunista a suministra armanan na 120.000 hobennan di Hanoi como parti di un programa di entrenamiento militar, segun e agencia di noticia di China Comunista a informa.

Den un transmision di Pekin reproduciendo noticianan di Hanoi, y scucha na Tokio, nan a infor-

má qu "decenas di miles di hobennan ta adoptando e forma di bida militar y awor ta conta cu armanan durante nan oranan di trabao".

E transmision no tabata indica qu e hobennan aki ta pa integra e milicia ya organisá di Vietnam del Norte qu ta conta cu 200.000 miembro.

Acto di detencion contra seis hende

Bogota -- UPI -- E huez di instruccion criminal Jose Munoz Martinez a dicta un auto di detencion di seis persona quendenan ta sindicá como organisá tras

di e ataque qu a wordu comete 10 dia pasa contra e centro cultural colombo-norteamericano.

E extremistanan, qu cu anterioridad a kima un bandera norteamericano dilanti e embahada di e pais aki, tabata protesta e incursionnan aerea norteamericano contra di Vietnam del Norte.



Riba e foto aki nos por weta con un bus yen di hende a cai den un ravijn. E accidente tragico aki a sosede na Pompei Italia. 16 persona a muri di e lesionnan cu nan a recibí y 38 a keda seriamente herida.

Ayudo di Rusia ta na caminda pa fortalece Vietnam del Norte

Moscu--(UPI)-- Den fuentenan diplomatonan nan a bisa qu ya e ayudo militar ruso pa fortalece e defensas di Viet Nam del Norte contra posibel ataque nan aereo norteamericano nobo ta na caminda pa e ANOL.

Nan a bisa qu e asistencia militar ta consisti principalmente di proyectilnan autoimpulsion di tierra pa aire, avionnan di caza jet y asesornan tecnico pa preparacion di dotacionnan norvietnames.

E ayudo a ser priminti pe prome ministro sovietico Alexei Kosygin en hefe comunista di Hanoi Ho Chi Minh, na cuminsamentu di e luna aki.

Nan ta considerabel masha improvable qu asistencia ruso ta inclui armanan nucleat of trupanen di combate ruso.

Sin embargo un hefe militar ruso a previni di qu Merca ta riska e guerra den su propio territorio si nan cuminsa cu "proyectoran criminal contra e paisnan comunista".

Mariscal Nikolai Krylov, comandante en hefe di e fuerza di coherencia sovietico no a menciona na ningun momento "Vietnam del Norte" nes pero ora qu ela hasi su advertencia e tabata referi, segun nan ta kere, ne posibilidad di un guerra na Vietnam.

Den un articulo qu a aparece den e courant Trud, organo di e sindicato di obreronan, Krylov a yama atencion riba e reciente pruebanan di coherencia qu a ser realizá pa Union Sovietica den Pacifico, den cual nan a logra centro perfecto despues di un vuelo di 12.000 km.

Krylov ta kere cu e coherencia ruso lo por hasi blanco na cualkier lugar na mundu na cualkier circunstancia.

Te na e momentonan aki nan no a hanja un confirmacion oficial di qu e envio di ayudo ruso na Hanoi ta na caminda, pero tur loke a ser bisa pa Kosygin for di dia qu ela regresa Asia Sudeste, ta hasi qu Kremlin ta dispuesto na duna Vietnam del Norte pleno ayuda. E presentacion ya anuncia di Kosygin ante e camaranan di television ta benta un luz definitivo riba e problema aki.

Mientras tantu, manera e conferencia di e partidonan comunista qu mester tuma lugar aki nan dia prome di maart a trespasa dilanti, qu obligacion di e paisnan comunista ta otro den den caso di ataquenan "imperialista".

Di acuerdo cu e observadornan diplomatico, a coincidencia di e ataquenan aereo contra territorio di Viet Nam del Norte cu e bishita di prome ministro Kosygin na Hanoi, solamente a sirbi pa acerca Union Sovietica cu China Comunista.

MADAME NHU A ACUSA GOBIERNO MERICANO

ROMA -- UPI -- Madame Nhu, ex promer dama di Survietnam, a acusa awe gobiernu norteamericano di ta dispuesto na yega na un arreglo riba e destino di Vietnam del Sur, cu lo laga e pais den man di comunistanan.

Viuda di e ruman di e asesinado presidente Ngo Dinh Diem a hsai e acusacion aki den e corant neofascista "II Secolo", den cual e ta sostiene un entrevista exclusiva cu Madame Nhu.

Den e entrevista e ta acusa tambe e ex embahador norteamericano na Vietnam Cabot Lodge di "Traicion" y ta surgi cu "na lugar di trata di laga lubida nan crimennan nan ta bisti nos panjanan nacional", ora cu e a sali di Survietnam.

Madame Nhu ta critica tambe den su entrevista e teniente general Nguyen Khanh. E ta afirma cu Khanh "ambicioso, oportunista" a bisa cu e, o ta duda di cu "por tin informacion mas leeuw cu su nanishi".

Madame Nhu a acusa gobiernu di presidente Lyndon B. Johnson di ta dispuesto na hasi un trato cu respecto na Survietnam, ora cu e comenta riba e posibilidad di un arreglo di e situacion na Vietnam.

"E delaster informacion -- e corant ta bisa cu Madame Nhu a declara -- e inventadornan di e politica di gobiernu democrata ta parce di ta sigur di cu e negociacionnan lo ta necesario y cu e enemigo lo ta dispuesto -- durante e fase neutral di transicion cu lo caba cu e control comunista -- pa acepta e presencia di e trupanen norteamericano na Vietnam del Sur pa un Cierito periodo".

El a añadi cu e funcionario norteamericano "sa sigur cu e comunistanan pa medio di un gobiernu di coalicion, ta usa placa norteamericano pa nan mes causa sabiendo cu nan nota riesga ya cu nan ta considera cu nan por tin mester di e presencia - estranjera ora cu nan kier".

Gobierno a anuncia designacion di Khanh

SAIGON -- UPI -- Gobierno a anuncia awe e designacion di e teniente general Nguyen Khanh como "embahador viajero" di Survietnam.

E movimientu ta destina, aparentemente pa satisfacé e exigencia di Khanh cu ta desea un retiro di qu sin perdida di prestigio, di e escenario politico di Vietnam.

E nombramiento a ser publica den un comunicado di e gobiernu

cu a ser transmiti pa radio Saigon. Segun e locutor e comunicado a ser firma pa Phan Khac Suu, hefe di e estado di Vietnam del

18 MORTO A SER CAUSA PA UN EXPLOSION DI GAS

YUBARI (Japon) -- UPI -- Autoridadnan japones a informá qu 18 trahador a muri den e derrumbe di un mina, qu a wordu causa pa un explosion, di gas qu 34 otro a desaparecé. E explosion, cual su causanan no a ser determiná a tuma lugar den un galeria di mas o menos 120 meter di e mina den e region carbonifera di e isla Hokkaido, den norte di Japon.

Por lo menos 100 di e 170 obreronan qu tabata traha den e galeria qu a logra na bando-



Sur.

Nan no por a hanja ainda un declaracion di Khanh, cu teinda ta den su retiro den cerru cu ta keda 350 kilometer na norte di Saigon.

E teniente general cu a ser baha di e poder pa e consejo di Forsanan Armada diadomingo despues di un serie di golpinan y contra golpinan. E consejo a reemplaza Khanh pa e mayor general Tran Vin Minh, catolico.

MERCA A LANSAR "DELTA-THOR"

CABO KENNEDY -- UPI -- Un planeador espacial di Forsa Aerea ta colocá na nanishi di un cohete "Delta-Thor" cu ta dispuesto na realiza un viahe di 21.200 kilometer pa ser recohe despues na 4.300 kilometer for di Cabo Kennedy.

E nave cu alanan manera flecha a cuminsa su vuelo awe mainta siet'or ora cu e a ser lansado den espacio den un vuelo di 62 kilometer pa despues baha na terra y planea na su retorno nos planeta.

E vuelo, e delaster di un serie di seis cu ta pertenece na un programa di Forsa Aerea, ta destiná pa prepara e terreno pa futuro navenan espacial tripulada cu por planea na su vuelta di e espacio na terra y baha na e aeroportuonan pa avionnan di propulsiun a reaccion.

REMITIDO

PA MOTIBO CU E CHIKITU DI 6 ANYA TIN UN LUNA DISCHOOL ATRAS, TA MANDELA CAS.

No solamente sakele folschool manda cas, pero e mucha chikitu pa berguena ta bai camna riba caya, podiser un desgracia por pasele sin su mayornan sa. Esaki ta sosede na un school na Cherasiel, ta un frater cabes di school ta haci esaki.

Nos ningun ta contra e cabes di school como cabez, ne religion pero nos ta pidi e frater cabes di school, sea sina bon scirbi un carta manda pa mayornan di e chikitu, pa e bin tende of bin paga podiser ta malu e ta, of algo, por a sosede na cas.

E asunto aki a pasa un biaha, dos te tres biaha, y ningun hende no a papla nada, si keda ketu e ta sigi bira peor, asina no ta bon.

Masjar danki Sr. Redactor Tata y Mama di varios muchanan chikiti dje school.

BARBERONAN TA KEHA YTA REINA MAL CONTENTO

Tempu ta malu hopi hende ta keha bisando, pero no ta solamente esey. Tin algo mas cu ta bin haci e tempu ey un poco mas malu y ta e asunto di imita tur cos cu nos ta weita di estranheronan. Nos no tin nada contra cu un hende ta bai cine, weita un bunita pellicula, y ta goza su escena nan, su canto, baile, trajes etc. etc.

Pero tin di nos hendenan ta imita di mas, tumando por ejemplo THE BEATLES. Un pellicula dibertido yen di muziek gustá pa tur Teen-agersnan, sin embargo ata awe hopi Barberonan ta keha y ta malcontento, pa motibo cu VARIOS DI NOS JONKUMAN Y CABALLEROS, ta imita

THE BEATLES" lagando nan cabele crece di mas, esaki ta cosnan cu no a sosede cu asina frecuencia riba nos isla.

Combersando cu diferente barbero di mi confianza, un dos di nan ta sinti cu for di un seman despues cu a hunga THE BEATLES" e imitacion di laga cabele crece baha te riba garganta a bira un moda, y ta cada un dje BEATLE nan Curazoleño mes ta cortele. Asina si no ta negoshi.

Un ex-Barbero J. M.H.

AVION A CAI DOS MORTO

Cartagena -- UPI -- Dos persona a muri ora qu un avioneta Cessna, qu tabata realizá un vuelo pe ciudad aki a cai.

E aparato, qu tabata wordu pilotéa pe capitán Pio Barcenás tabatin e ingeniero Rafael Arango Martinez como viajero y tabata propiedad di "magdalena Oil Company".

E accidente a tuma lugar banda di e lugar qu ta conocí como Canal del Dique, no masha leeuw for di Cartagena, na unda algun campesinonan a traslada e piloto pa un hospital local, pero ela murí un ratu despues como consecuencia di e heridanen grave qu ela ricibi.

Direccion aeronautica civil a ordená pa investiga causa di siniestro.

Homber secuestra a ser hanja

Neiva, (Colombia) -- E comerciante Raul Echeverry Villegas quende a wordu secuestrá pa un grupo di bandoleronan 10 dia pasá a yega e ciudad aki.

Pa su rescate nan a paga 70.000 peso (5.000 dollar).

Echeverry a revelá qu su secuestradornan tabata bini di un zona di Marquetalia, na unda un organizacion comunista comandá pa Pedro Antonio Marin, alias "Tiro Fijo" y quende a wordu desbaratá anja pasa pa forsan an armá, ta operá.

Vietcong a mata 7.000 Vietnamese y 200 Mericano luna pasa

Londres ---(UPI)--- E guerrillanan di Viet Cong Comunista a mata 7.000 solda vietnameses y 200 "agresor" norteamericano durante luna pasá, segun e agencia di noticia China Comunista a bisa den un transmision qu a ser scuchá aki na radio.

Citando un reciente comunicado di e agencia di prensa di Vietnam del NORTE, China Comunista a afirmá qu e bajanan ey a wordu causa den 1.100 choke qu a tuma lugar na luna di januari so.

"Ehercito di liberacion a ani-

quillá 7 compania y 14 peloton pone un regimiento y cinco compania mas for di combate; aniquilo, of a obliga enemigu na retira di 52 bastion; tumba 22 avion agresor y causa danonan na 25 otro mas", ariba e noticia di e agencia chino ta bisa.

Despues e ta agregá; "Tambe cinco barcu a wordu di sink; nan a destrui 106 vehiculo militar; causa danjonan na dos deposito di municion, un planta di gasolin y un planta electrica, y nan a ocupa nan mes di 2.000 arina y gran cantidad di diferente equiponan militar.

Gobierno di Alemania no kier pa Espanja media den crisis cu RAU

Bonn-- (UPI)-- Gobiernu di Bonn a nenga di tin conocimientu di un supuesta gestion nobo di Spanja pa mediá den e crisis qu cada biaha ta bira peor entre Alemania Occidental y Republica Arabe Uni (RAU).

"Nos no sa nada di esfuerzonan nobo di Spanja den e sentido aki, asina un portavoz autorizá a declara. Den fuentenan di Cairo nan a bisa cu e embahador spanjo Miguel de Lejoendio, a conferencia dos biaha den e ultimo tres dianan aki cu e

canciller egypcio Mahmoud Riad, pa trata na qu e partinan lo reanuda nan contactonan directo.

E mesun fuentenan aki a bisa tambe qu entre Bonn y Cairo ya caba tabatin contactonan nobo a traves di e embahada di RAU y Alemania Occidental.

E prome esfuerzonan di mediacion a fracasá. E esfuerzonan aki a wordu cuminsá pa Marques de Nerva, director di organizacionnan internacional di e servicio exterior spanjo, segun nan a informá.

Generalnan di Vietnam mes a laga e situacion bira asina

Washington -- UPI -- Senador Mike Mansfield, lider democrata di e camera haultu, a bisa qu "generalnan celoso" na Vietnam del Sur a pone un situacion "incredible" pe Gobiernu di e pais aki.

E senador a emiti un declaracion den cual e ta denuncia e constante disputanan entre e lidernan militar di Vietnam qu ta sofocando e piso ne politica di presidente Lyndon B. Johnson.

Ela agregá qu e "generalnan celoso di Saigon mester tene cuenta di qu Estados Unidos no ta compromete su mes na sigi apoyá loke e ta awor un situacion incredible".

Mansfield a bisa qu como resultado di e golpenan militar y di inestabilidad politica, pueblo di Vietnam del Sur "lo por sirbi masha bon den bandeja ne Viet Cong Comunista".

E declaracion di senor Mansfield ta senala qu "nos la wordu stroba pa nos amigunan, o por

lo menos pe lidernan mediante loke nos ta trata na yuda pueblo di Vietnam. Esaki ta un situacion increíble qu mester a pasa pa nos pensa qu e tabata posibel".

Mansfield tambe a elogió Johnson bisando qu e presidente a actua "cu gran valor, firmeza y freno". Pero a agregá qu "cada biaha e ta wordu stroba den su actuacion pa esnan qu tin mas pa perde".

E lider democrata a hasi un yamamentu urgente pa busca un arreglo pa neutraliza Vietnam y ta senalá qu "si e proceso aki sigi, ta parseini qu nos mester keda man crusá y stop nos intento pa yuda pueblo di Vietnam del Sur.

Mansfield a papla mientras e Congreso tabata den receso pa un siman, pero su declaracion ta indicá qu e problema di Vietnam ta sigi ser e tema dominante di e debatenan futuro di tur e dos camaranan.

REMITIDO

En coneccion cu e Remitido dia 18 ultimo den Bo corant, caminda un Señor of Meneer (Spanjo-Holandes pasobra si mi bisa un Sjon, ja no ta pas pa den tenipu moderno.

Aunque e Sr. aki (completa - mente desconoci, á ni pa nomber si kiera a observa culopitk y printfuten ta wordu hasi y varios observacion nan riba mi articulo.

Mi a reacciona riba e Sr. aki su articulo siman pasa, pa conhuntamente nos por expresa nos sintimentu (y cu tin mas tambe cu asina por bini un cambio den e sectornan previamente mencionada.

Y e asunto di tik y printfuten, berdad cu e foutnan aki mester worde corriji. (No lubida nos ta e unico diario na papiamentu y major circulacion, wel e mester sali up to date.

E martillo a cai net riba cabes di e clabu, ta esun aja mes. Esaki no ta "sit down strike", ma happy living, ta esaki nos ta bisa dushi bida, jioe bo tei?

No paga masha tinu riba mi Ingles, pasobra e no ta te aki te aje, bati mi ta bati cu ne y caminda mi no por mas mi ta lagé cai Pero algu mester wordu haci, sino nos tur ta perdf.

Tocante di nos dushi dialecto, mi no por comenta muchu riba dje, pasobra mi personanan un tiki of hopi mas eleva cu mi, tur loke nan por haci ta comen-ta.

Cu boos haltu si mi por bisa cu nos dialecto ta wordu maltratá y abuzá. Nos no tin of mehor dicho nos no sabi e bator di nos dushi dialecto, y ningun esfuerzo ta wordu hasi pa mantene esaki.

Ora di papia nos ta kwe un pida dale aden, cristu sa di unda nos a sake basta ke ta pas; nos ta bira aja banda manda un cos, basta ke ta klop etc.

RADIO CARACAS TELEVISION

- 5.00 Huckleberry Hound.
- 5.15 Sorteo de la Loteria de Caracas.
- 5.30 Submarino
- 6.00 La Legión Extranjera.
- 6.30 Club musical, con Alfredo Jose Mena, Chelique Saravia, Maria Teresa Chacin, y el Conjunto Los Impalas.
- 6.55 noticias.
- 7.00 Historia de Tres Hermanas con Eva Moreno, Eva Blanco, Doris Wells, Maria Teresa Acosta, Domingo del Castillo, Jose Jorda, Daniel Farías, Raúl Amundaray y el resto del elenco.
- 7.55 Soñar no cuesta nada, con Amador Bendayan.
- 8.00 Fiesta con Paula Bellini, Henry Altuve, la Orquesta Billo's Caracas Boys y sus artistas invitados
- 9.00 El observador Creole.
- 9.15 Doctor Kildare, presentando la segunda parte de la historia titulada "El Tigre"
- 10.15 Estrellas de Hollywood
- 10.45 El show de Dick Powell, presentando a Sammy Davis Jr., en "La Leyenda".
- 11.45 Radio Caracas Television te Dice, con Monseñor Juan Fco. Hernandez
- 11.50 Despedida.

TELECURACAO

- DIAMARS
- TELE CURACAO
- 5.00 Children Hour
- 5.30 This is Britain
- 6.00 Teletopico
- 6.15 Robin Hood
- 6.40 United Protestant Church
- 6.45 OGE M Nieuws
- 7.00 Noticiero Deportivo
- 7.15 De Verrekijker
- 7.30 Nos Tera
- 8.00 The Figtive
- 9.00 World & Sport News
- 9.15 Tele Teatro
- 11.00 Sign Off.

etc.

Ta unico momento ora nos ta sinti su bator, ta ora nos ta den extranheria cu estranheronan ta scucha nos papia.

Nos ta sinti nos goza pasobra ni maské nan bula riba cai abouw nunca nan lo por comprende nos. Un otro aspecto ta, ora un otro persona muestra interes den nos dialecto, anto e kler pa sinjele. Esaki ta e unico aspectonan ora nos ta sinti bator pa nos dialecto.

Ora di scirbiële, bo por scirbiële na mil y un manera; pero ora di papie bo tin cu tene cuidouw, pa bo no papia un palabra foi sla of papia kiko cu ta, (siendo papiamento ta consisti mas cu 70 porciento extranhero.)

Tur nacion ta papia nan idioma; nos ta papia casi tur (pa hobby). Si un inglés ta papia Spanjo, e ta gana su bida cu ne. Si un Spanjo ta papia Inglés, e tambe ta gana su bida cu ne.

Awor nos ta papia tur dos, kiko nos ta haci cu nan? Sport so nos ta sport cu nan pasobra no tin colocacion. Den tur esei kiko nos ta papia? Pa nan no bisa nos ta papia coi loco, (un tiki di cada nan a refine pone jama papia Corsow.

Pero como papia Corsow ta zona asina antiguo y manera ma expresa caba cu tempura modernizando, nan a refina atrobe como papiamentu (un mescla di tur) pero cu orgullo.

Aki un siglo, papiamentu lo ta existi ainda?

E evolucion aki ta bai cu asina un rapides, cu mi ta duda.

Nos nietu cu bisa nietunan lo bin fluister maske ta na cabes di nos tumba.

Pues Sr. (desconoci) mi no ta elogia. Bo, pero mare tin maske ta unu mas manera Bo.

No obstante gustosamente nos por a haci cambionan di idea (pero den circuito sera).

Palu Jo.

VENEVISION

- 3.00 Cocina al Minuto
- 3.30 Historias de Amor
- 4.00 Los Amiguitos de Glóia
- 4.30 Fiesta de Muñequitos
- 5.00 Yancy Derringer
- 5.30 El Angel del Espacio y Popeye
- 5.45 El Investigador Submarino
- 6.15 Los Hombres Altos
- 6.45 El Solitario
- 7.15 El Informador
- 7.30 Combate
- 8.30 El Fugetivo
- 9.25 El Informador
- 9.30 Los Intocables
- 10.30 El Hombre de la Cámara
- 11.00 El Informador

CARLITOS




BEN CASEY



THE SPIRITS OF NOTRE DAME

COACH ARA PARSEGHIAN



SOCIALES

JAIME ROOYER A REGRESA CU EXITO

Bonbini na Sr. Jaime Rooyer di Westpunt cu despues di su estudio durante 5 aña na s'Her-togenbosch (Hulanda) a regresa Corsow cu su diploma como Maestro Technico, y ta ocupa un puesto den klas awe. Na Sr. Jaime Rooyer personalmente y na su respetable mayornan pabien, tur cos bon.

HAPPY BIRTHDAY CARLOS DORTALINA

E muy conosido Sr Carlos homber di Deporte bon actor, empleado di Shell Curacao N.V. bieuw den fila di tur e muchanan (meskos cu n' e) ta celebra su 48 aniversario di bida, na nomber di Sra Bea su esposa y tur jioe-nan, Sjon CAI pabien baha man.

BODA DI PLATA MATRIMONIAL

Pabien Djeffy La Cruz y Es-posa, pabien.

Asina tur e jioenan, 12 na tur dje matrimonio feliz a canta pa Papa Jozef La Cruz na West-punt.

Nos ta desea Sr Jozef y Sra La Cruz salud, forsa pa cumpli e 25 aña nan cu a sobra, mashar pabien.

PUERTO RICO DI 3

BARRANQUILLA, Colombia, UPI --Puerto Rico a asegura e tercer puesto den e di 16 serie mundial di beisbol amateur derrotando Antillas Hulandes ayera noch cu score di 15-1.

E boricuanan a termina nan actuacion den e serie cu e wega di ayera.

Antillas Hulandes a usa cuater pitcher, tratando di domina e artilleria pisa di e portorrique-nan.

E pitcher portorriqueño Efrain

Contreras a destaca, estableciendo e marca mundial di 19 ponche superando esun di 18 cu a ser pone pa e mexicano Nicolas Genestas den un wega contra Honduras den e di diesun serie mundial efectua na Managua na 1950.

KLAUS A RECHASA OFERTA

MILAN--UPI--Steve Klaus, manager di e boxeo italiano di peso welter junior Sandro Lopopolo a anuncia awe cu el a rechasa un oferta: venezolano pa cu Lopopolo lo enfrenta e campeón mundial Carlos Hernandez den un pelea di cual e titulo lo no ta den wega.

Klaus a manifesta cu e oferta ta comprende un pelea na Caracas, "pero nos no ta interesa den peleanan den cual un titulo lo no ta worde disputa".

PIRATAS TIN MIHOR CHENS CU SU HUNGADORNAN SANO

Harry Walker

Pittsburgh Pirates Manager

Nobo den e organisacion y tabata den liganan menor pa hopi anja, personalmente mi no a cerra conoci cu algun pirata.

Di manera cu mi lo conta tur cos manera mi atende te ora mi por tumar un decision riba e habilidad di cada hungador.

No obstante e decepcion di a termina na e sexto puesto anja pasa, un analisis a muestra cu e buccaneronan tabata den competencia te mei mei di augustus ora nan a sufrí un drawback y no a bolbe mas, arriba.



Harry Walker

Lesionnan ta un parti di e wegá. Otro clubnan tambe a sufrí esaki, pero e buccaneronan tabata tin mas lesion cu tabata tocanan.

Dick Schofield tabata for di line-up pa diferente lesionnan y nunca a recupera completamente di un lesion na su pia cual el a sufrí dia 28 di juni.

E ausencia na e puesto di shortstop a debilita e club considerablemente.

Willie Stargell considera un di e bateadornan mas potente den Liga Nacional a lesiona un rudia na mei y esei a stroba e bateador pa restu di temporada. Un operacion despues di temporada tabata un exito completo.

Jim Paglaroni, e catcher indispensable tabata for di linea cu un lesion di garganta, y pa 14 dia cu un duim fractura.

Dos pitcher habridor i temporada 1963, Don Cardwell y Don Schwall tabata incapaz, pa duna e equipo suficiente servicio.

Tommy Sisk tabata un decepcion y menos bon tabata Joe Gibbon. Cu menos lesionnan, e buccaneronan lo bin fuerte den batalla e temporada aki.

Nos ta hanja cu Roberto Clemente ta un di e mihor all-around playernan. Nos tin un combinacion formidable di doubleplay den Schofield y Bill Mazerowski.

Nos hobennan manera Bob Bailey ainda no a hanja nan potencia completo.

Mi ta despuesto pa proba velocidad di e club. Bo por aplica presion y velocidad y hasiendo asina tantu esfuerço e otro banda sin hasi errornan.

Nos por hasi nos hungadornan mas rapido, pero nos por mehora nan corementu di base teniendo nan mas alerta.

Nos tin suficiente putcherman cu nos por hanja mas tantu for di Joe Gibbon y algu di ayudo di Cardwell y Schwall. Bob Veale den su prome anja como habridor a gana 18 wega y a encabeza liga mayor den ponchete y base on balls.

Lo e trata semper di rebaha e total aki.

Nos tin suficiente bateo. E trampata di lora e pitcheo y batinan den un paki.

Cu un cantidad di hobennan pa combina den noshungadornan regular, mi mester bisa cu Piratas tin un futuro brillante ta spe-rele.



Mucha di Alegria--Bill Mazerowski di Piratas ta un di e segunda basen nan sobresaliente den baseball.

FLORENCIA -- UPI - Andriano Sconcerti, representante di e campeon mundial di peso mediano junior Sandro Mazzinghi, a declara ayera cu probablemente e lo no acepta un ofrecimentu pa cu su pupilo lo bringa cu e cubano Luis Rodríguez na New York dia 21 di mei.

Sconcerti a bisa cu e problema ta monetario y cu "manera ta parce cu e bolsa no ta suficiente haltu, e pelea probablemente lo no worde efectua.

TORNEO DI TENNIS "DIXIE"

TAMPA, Florida--UPI--Un grupo selecta di tenistanan estranhero, entre cual ta figura emexicano Rafael Osuno y e brasileño Ronald Branes, lo interveni den e torneo international di Dixie, cual prome jornada lo ser disputa awe.

E spanjo Manuel Santana, cu a gana e competicion aki na 1962 y 1963, pa perde den final anjanan ultimo contra e australiano Roy Emerson, a ricibi e prome lugar den e clasificacion previa di e torneo.

E sueco Jan Eric Lundquist, cu antayera a adhucica e campeonato nacional di Estados Unidos riba canchana cubri ta ocupa e segundo lugar y ta worde sigui pa e norteamericano Dennis Ralston, vence pa Lundquist den e torneo di Estados, Osuna, Nicola Pietrangeli di Italia, Ramnathan Krishnan di India, Jose Arilla di Espanja y Barnes di Brasil den e orden ei.

gra su proposito di no a perde nunca pa knockout te prome cu e diescincu secondeen final di e pelea di ayera nochi, ora cu Cartner a alcansela cu un impresionante cross di derecho na su cachette.

E perdedor a logra incorpora despues di ocho seconde, pero a bolbe cai riba lona, mientras cu referee tabata continua e conteo. Cartner a pisa 71,8 kilo, contra 73 di su adversario.

MODALIDADNAN LO SER DISPUTA PA TORNEO LIBERTA DORES DE AMERICA

LIMA--UPI--E proximo congreso di Confederacion sudamericana di futbol, cu mester reuni na Santiago de Chile, mester determina modalidadnan nobo pa e disputa di e torneo Libertadores de America.

Segun a worde informa, un comision preparatoria encabesa pa e peruano Teofilo Salinas, reuni aki, a recomenda cu den e torneo lo participa e campeonnan y subcampeonnan di cada pais y no solamente e campeonnan manera ta sosode actualmente.

E iniciativa ta uruguayo.

Den e formula aki ta keda pa

ARTISTA NEAL TA SIGI GRAVE

HOLLYWOOD--UPI--E actrice Patrice Neal ta continua awe inconsiente como consecuencia di e derramennan celebralcu el a sufrí siman pasa.

Patricia Neal cu un anja pasa a ricibi un Oscar pa su destacada actuacion den e pelicula "Hud" a sufrí un ataque cincudía pasa, mientras e tabata traha den un pelicula nobo "Siete Mujeres" di Metro-Goldwyn Mayer.

Awe el a worde reemplaza di su papel den mencionado pelicula pa Anne Banfort, cu tambe a wordu laura cu un Oscar pa e Academia di Artes y Ciencias Cinematograficos.

Patricia a worde somete na un intervencion quirurgica na su cerebro, pero su estado ta sigi di sumo gravedad.

defini, si eliminacionan lo worde separa entre campeonnan y entre subcampeonnan o manera Chile a pidi, lo worde hasi en combinacion.

Riva ta desmenti transferencia di Altafini

MILAN--UPI--Felice Riva, presidente di e club di futbol di Milan, categoricamente a desautorisa e informacionnan di cu e entidad ta propone pa transferi e centrodelantero brasileño Jorge Altafini pa Anderlecht di Belgica.

Riva a afirma cu "Milan no a cuminsa ningun negosacion cu Anderlecht o cualquier otro club, italiano o estranhero, encunto e trasferencia di Altafini.

DEN DECIMO ROUND

CARTER A KO BETTINI

PARIS--UPI--E norteamericano Rubin "Hurricane" Carter, tercero den rankink mundial di medianonan ayera nochi pa knockout a derrota e italiano Fabbio Bettini den e di dies y ultimo round di e pelea cual a worde celebra den Palacio di deporte.

E italiano solamente por a opone su extraordinario valentia riba e superioridad di Carter cu a tumbe den promeround, tercer y septimo round. Sin embargo tabata parce cu Bettini lo a lo-

West-End

MARTES 7 & 9 P.M. Colosal estreno del film de recia accion e intensa sexualidad

RATA DE PUERTO

WOLF RUVINSKI-BRENO MELLO (Orfeo Negro) - ELISABETH KILLIAN

Una historia de una ambición indomable y sus trágicas consecuencias. Un brutal luchador, sus victorias y amores, y su caída final. Totalmente en español.

f.1.50 - 0.90

Mayores de 18 años.

Mañana 7 & 9 p.m. "RATA DE PUERTO"

Caribe

MARTES 23 de febrero a las 8 p.m.

BESOS PARA MI PRESIDENTA

(KISSES FOR MY PRESIDENT)

FRED MACMURRAY-POLLY BERGER

f.1.-- f.0.75 Con títulos Mayores de 18 años.

Royal

MARTES 23 de febrero a las 8 p.m.

LA DIOSA PAGANA

(DEVIL GODDESS)

JOHNNY WEISMULLER - NANCY GATES

f.0.75 Con títulos Mayores de 18 años.

NACIONAL Y RAMPLA A EMPATA 1-1

QUITTO--UPI--E subcampeonnan di futbol di Ecuador y Uruguay Nacional y Rampla Juniors a empata cu anotacion di un gol den un partido cu a worde efectua den estadio Olimpico Atahualpa den presencia 11.000 persona.

E golnan a worde marca den e etapa complementaria.

Ambos equipo a presenta bon futbol ya cu ta trata di equiponan relativamente liviano.

E equipo local a domina mas, cu tabata mas tantu den area penal di e equipo bishitante y si varios tirunan no a materialisa den gol ta debi na e magnifica actuacion di keeper uruguayo Montoya, cu a realiza atrapadanan espectacular.

E gol di Nacional a worde obtena na di ocho minuut di e segundo periodo pa medio di un tiru di e extremo derecho Pata.

E gol di empata pa Rampla

Juniors tabata un accion di cabes di Ubina cu a ricibi un tiru liber bon ejecuta pa Gil na di 38 minuut.

Den e cuadro bishitante dos cambio a worde hasi, mientras cu esun ecuatoriano uno.

Na di 40 minuut di e etapa complementaria Franco a worde expulsado di Rampla pa motibu cu el a agredi e back Dominguez.

Alineacion di e equiponan tabata:

Nacional: Maldonado, Rodríguez, Echeverría, Prado, Dominguez, Ruales, Pata, Salas, Reyes, Alcivar y Cabezas.

Rampla Juniors: Montoya, W. Martinez, Gil, Ubina, Tejera, Mujica, Franco, Salvat Rodríguez Vrilar y Nuñez.

Den Rampla a drenta San Pedro pa Rodríguez y Ligerio pa Tejera y den Nacional Benavides pa Pata.



Maxima Calidad

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.



ARUBAANSE COURANT

diariamente cu excepcion di diadomingo
 subscripcion f. 3.25 pa luna
 edicion los 20 ct.

edita pa:

N.V. ARUBAANSE DRUKKERIJ-
 en UITGEVERS - en PUBLI-
 CITEITS M.J.

imprimi na:

N.V. DRUKKERIJ
 "DE STAD"

Telefoon 1116 Directiva y redac-
 cion, 2116 Anuncio y subscrip-
 cion.

Director hoofdredacteur:
 D. Wolff.

CISCO KID

pa cortesia di

ARUBA BOTTLING COMPANY

NESBITTS den varios sabor, e refrescanan mas pidi y mas gusta na Aruba.



POR CUMPRE ARUBAANSE
 COURANT NA E SIGUIENTE
 LUGARAN:

NA ORANJESTAD:
 BOEKHANDEL MARISKA.
 PIET SODA FOUNTAIN.
 REFRESQUERIA INGRID.

NA SAN NICOLAS
 NICOLAAS STORE.
 UNION STORE.

Boticanan na warda

Oranjestad Botica del Pueblo Tel.
 1253-2154. San Nicolas Botica San
 Lucas. Tel.: 5119.

Cine

De Veer: 8.30 p.m. "Lawrence
 of Arabia" 18 j.
 Rialto: 8.00 p.m. "El Caballo
 Blanco" 18 j.
 Principal: 8.00 p.m. "The Day
 and the Hour" 18 j.
 Aurora: NO MOVIES
 Savaneta: 8.00 p.m. "Hell Below
 Zero" 18 j.

TELEARUBA

5.30 Children Hour
 6.00 Public Service
 6.30 Verrekijsker
 6.45 News
 7.00 Lassie
 7.30 Sportsnews
 7.45 Beverly Hillbillies
 8.15 Naked City
 8.45 English News
 9.00 The Fugitive
 10.00 Dutch News
 10.05 Wrestling

CUMPLEANJOS

Dia 23 di Febr. a cumpli 1 anja
 hobencito Pedro Florencio Croes,
 e ta ricibi felicitacion di su ma-
 ma Julieta, tata Jose, rumanan
 Chindo, Manie, Juan, Minguel,
 Raymundo, Chichie, Tanta Ber-
 tha, Maria, Nieta, Omo Chinto,
 Pedrieto, Wielli, Nicolaas, Welo
 Herchie, primo y primanan, es-
 pecialmente di su madrina Ma-
 nuela Croes y demas famia
 Croes, Franken, Wernet.

Awe dia 24 di Febr. ta cumpli
 2 anja, hobencita Lucerita Mo-
 rriama Velasquez, hopi felicita-
 cion ta bini di parti di su tata
 Bito, mama Irena, ruman Alva-
 ro, welo y welanan, tanta y omo-
 nan, primo y primanan, madrina
 y padrino y demas famia.


POSTLUITINGEN

Argentina 15.30; Bolivia 15.30;
 Bonaire 15.30; Brazillie 15.30; Br.
 Guiana 15.30; Canada 15.30; Chi-
 le 15.30; Costa Rica 15.30; Cuba
 15.30; Curacao (8.00) (15.30); El
 Salvador 15.30; Guatemala 15.30;
 Honduras 15.30; Mexico 15.30;
 U.S.A.: Miami Fla (2) 10.00;
 New York 15.30; Nicaragua 15.30;
 Panama 15.30; Paraguay 15.30;
 Suriname 15.30; Trinidad (5)
 15.30; Uruguay 15.30; Venezue-
 la 15.30.

BUCHI ROBEZ



PEPITA



DICK TRACY

presenta pa cortesia di:

VICTORIA BOTTLING COMPANY

PEPSI-COLA --- SEVEN UP --- GRAPETTE - KIST -- VICTORIA SODA WATER---
 BUFFALO ROCK--- GINGER ALE--

